

百山館詩稿

江標謹題



意苕山館詩稿卷九

元和陸 嵩希孫著

男懋修九芝校

戊申

酬符南樵

葆森

忽逢湖海客我正未能歸非敢託同調何時共息機恨牽
南浦草夢繞北山薇會許辭塵網終當與爾依

遣懋兒旋里營屋

鳥知慮陰雨綢繆尙戶牖人生雖逆旅誰能忘井臼自我
困飢寒四方任奔走敝廬漸傾頽痛心棄鄰叟全家此聊
寄官舍本難久寇盜況突侵剽掠盡瓦缶側身干戈間遑
更計入口妖氛幸早散耿耿復星斗顧此覆巢卵得完豈
意苕山館詩稿

卷九

一

非偶吞聲一室中萬事堪回首念昔杜陵老身處亂離後
倉皇走秦蜀眞若喪家狗晚營浣花堂三載始斷手縱得
妻子迎終難故鄉守我才愧前賢所遇已云厚敢望此餘
生樂事備田畝茅屋但數椽差足容箕帚便當賦歸來調
飢亦何咎況茲先澤存忍使他人有汝歸姑經營慎勿意
忘苟爲語東西鄰有約定無負明年二三月好過牆頭酒

王烈婦詞爲李學使

煒側室作

王家有女年十九爲李大夫奉箕帚大夫奉使來江南妾
得從行侍左右大夫頭白妾顏紅妾命本如風中蓬風飛
蓬斷妾得知邊計星昴匪月同慘哉大夫病何急祈禱無
靈哭嗚咽飲醜不死梁縣繩地下追遲只三日吁嗟視死

眞如歸西風烈烈空堂吹雙棺遠望萬里去江濤日夜聲
流哀

寄和王研雲六十自述詩次韻

舊盟曾未鷺鷗寒寥落情懷付一官室有琴書聊自得
圍無松菊去猶難塵長不拂歡雖損經早能傳夢已安一昔
五陵裘馬客知君都作等閒看
扶風絳帳我曾經依舊孤燈永夜青念遠未應忘晦雨證
訛恰好對櫺星遺編采輯垂家乘佳語流傳抵座銘學道
著書誰得似不教野史獨留亭

漕船行

蘇松漕賦天下稱歲輸百萬歸燕京運船額制高且大一
意茗山館詩稿

卷九

二

縣數十江頭橫黃頭兒郎好身手駕浪驅濤慣飛走一歲
江河一往還仰給官錢贍入口今年改運從直沽推輓不
復勞千夫江南大吏盡時彥斟酌今古應非疏腐儒無知
獨心戚官倉粒米皆民力軍船裝載遇水淺起駁尙恐遭
狼藉海潮萬丈兼天浮重洋經歷多龍蚪天庾正供冒此
險風濤猝遇能無憂盜賊年來況頻起宵旰憂勞正靡
已有司緝捕徒紛紛劫掠依然徧鄉里誰議海運豈不知
漕船夫役驕平時此輩磨然盡游手一朝失業將安之嗚
呼一朝失業將安之東南善策何人持

夷船忽復入江居民震恐

東南風起江湖平夷船又向金焦橫城中居民數萬戶火

輪重見譁相驚知府縣令亟親迓安民告示傳分明夷人
奉約別無意有事赴懇金陵漕船水手正兇懼過此敢
復稱刀兵頗聞泊船燕磯畔報恩古寺閒游行路人瓦礫
互投擲鬼面流血爭逃生可知當日布章奏船堅礮利原
虛聲胡然當事尙不悟鞭笞百姓求輸誠江頭停運卻可
畏腐儒別自心怛怛

上洋觀察行

上洋重鎮稱江東觀察駐此威望隆建幢樹燾儼開府體
制不與尋常同自從往年築新館鬼夷錯雜居城中蔑視
官吏若徒隸弁髦法令猶兒童今年漕船此停運撐篙拏
柁多閒工此輩自來恃勇健搏噬不避豺狼凶鬼夷卒爾

意茗山館詩稿

卷九

三

橫遭毒報仇直欲官相從胡忽觀察聽不應肆詈違顧觀
瞻崇冠履倒置近十載養癰遺患將安窮青驄遽去代者
至夷情曲徇工彌縫腥羶充集復衢巷道旁觀者憤填膺
江南大吏負時望撫夷多術應論功似此觀察不曉事量
移猶見能包容惜哉金陵議和日觀察亦在朝天宮

寄沈鼎甫先生

三載相思路渺漫一書入手喜頻看感從深後渾忘賤交
到真時不論官講學平生知不負憂時懷抱幾曾寬明年
得遂歸耕願定許東山從謝安

積雨寫悶

雨聲淋浪聽不止十日芒屨阻衢市階前積水生漣漪門

外土牆半傾圯江南地土本苦卑溼氣蒸鬱恆黃霉度閣
衣履黧成點插架書帙黏難開敲斜學舍況山麓下注飛
泉過茅屋終朝坐卧陂澤中四壁延蝸榻生蓐家人婦子
紛叫號如中蠱毒醺醇醪便欲束裝返鄉里高樓布席聊
相逃我聞近江數洲渚昨夜潮來沒禾黍屋廬簸盪水中
央駕板成梁少安處我居雖隘水未淹炊煙縷縷猶斜檐
歸心暫抵坐歎息凶年更恐飢寒兼

懷王佐卿

曾是同經患難人相思三載不相親年荒夢屢隨
鴈江遠書難託逝鱗戰壘獨尋愁往日客帆分挂感殘春知君
歸計何時得定戀萊衣早乞身

意茗山館詩稿

卷九

牆後土山

四

域中半山水水平山則奇茲山土所積強以山名之有石
但一卷非有塊磊姿因隔衆山遠久遂不自知巍然比嵩
岱兀傲忘共嗤譬彼溝渠蓄妄詡江海支叢叢復細草旁
坳喜各私毋怪蕙與蘭不肯於此滋徒爲溼所聚蒸鬱苦
四時誰言天下山雲雨皆能施我居在其下瞻顧徒嗟咨

喜劉濬之

遵變見過

杜喧託養疴日午尙堅卧忽聞佳客來披衣亟起坐離愁
積十年數語那得破知君薦牘登不敢便君賀近來親民
官動卽得咎過例嚴催科條職重盜賊課藉非事上勤豈
易賢聲播君性厭翁熱置此或先情親老家苦貧進退定

無那我亦歸未能姑免忍寒餓坐久月欲升涼風動客座
與君共歎息蛩響暗相和

水災歎

家無半畝田水旱頗心切況經兵戈後民力已俱竭稔歲
幸屢逢粗糲得無缺何堪六月來愁霖正不絕江漲復夜
半呼號起倉卒圩岸盡決衝田廬半漂沒壯者攀樹逃存
亡未可必老弱救無人轉眼化魚鼈毋怪市中米騰價不
終日有司急征斂尙謂麥早實官租督仍完民困暇更卹
災黎數萬人江頭日行乞覩此心獨憂耿耿與誰說請看
齊魯間盜賊尙聯結豈非乏食民救死此相率弭亂貴未
形旁皇自一室

意茗山館詩稿 卷九

五

生世

生世何須歎不諧此身有盡死無涯但教排日書能讀豈
恨長貧願總乖婦好拈鍼老尙健孫知弄筆幼殊佳亂離
經過渾如夢肯遣閒愁更入懷

題沈玉生笑春仙館圖

瓊樓玉宇凌飛空珠簾不捲香溟濛瑤姬十二侍縹緲身
無仙骨誰能從相逢恰幸東陽子炯炯方瞳翦秋水胷中
自具龍虎經眼底能繙法華旨馳逐名場幾十春所悲過
眼皆浮塵便欲相從赤松子暮遊蓬島朝崑崙鐵券銅符
恨難得舉世空談攝生術不寫拈花寫散花悠然笑坐維
摩室知君妙悟非人閒鼓琴敲竹求真詮一杯終許胡麻

乞流水桃花尙昔年愧我蹉跎負年少經樓那分今生到
願得置君圖畫中爲君執爨君休笑

庭藝雜花春夏閒俱無向榮意秋菊亦憔悴不堪采

摘

草木知天心應時各呈秀誰能當春夏不使遞繁茂今年
庭前花疏疏若非舊秋來菊滿畦顧影倍清瘦採掇殊未
堪落英亦罕覩譬彼婉孌子半面但微逗非有過時悲憔悴
抑何驟滋灌尙朝朝人力冀補救可堪霜漸零生意那
得復乖違知何因氣運且徐究

夜坐

秋已將深氣欲清空庭小坐晚涼生閒門盡日無人過落
意茗山館詩稿

卷九

六

葉行風時有聲

望懋兒不至

兒去我仍客何時得共歸故鄉雖好在老病欲何依秋盡
衣愁薄宵深夢轉稀一帆應早挂祇恐道途非

奉懷張小浦

少宰

騶騎江干送暄寒已兩更遠瞻卿月麗回憶使星迎家世
崔盧並文章燕許衡冰壺欽朗抱玉尺仰高擎造士資公
望儲材盡世英冲懷真可挹淵度欲同傾械樸餘恩澤衡
茅亦頌聲從來霖雨沛卽自惠風生緬想還京路先殷報
國情靖共忘夙夜開濟矢生平遂有銓衡命羣欣藻鑑精
位高彌自抑德重善持盈鄧禹頭方黑邊韶腹共驚班兼

文苑領功識度支成羹待鹽梅和歌先喜起賡併懽期宙
合聞譽早蓬瀛猥以風塵走會親月旦評趨承顏正忤拂
拭意偏誠揮塵原時戀騰賤未敢輕近傳同舍語猶念野
人名同官薛曉帆感激情何極驅馳夢獨縈祇慙鳧雁侶
但解鷺鷗盟卻望台星耀難沾雨露清明年重駐節許否
負前旌

董琴涵丈令孫康伯韞琦入學寄賀

一從南海泛歸艖鄉里人爭奉典型憂國尚煩雙鬢白傳
家還喜一衿青好添高密談經席卽傍遺山修史亭耆舊
襄陽待重問白雲休使戶常扃

鶴骨簫詩爲四明女史金八姑作

意茗山館詩稿

卷九

七

姑幼知書兼通音律適王氏子伉儷初甚篤有艷其才
而謀得之者布讒於其夫因被棄焉姑之父訟於官官
廉得其寃使卽堂皇重行合香禮以鼓吹輿繖送歸而
布灰之疑終不釋也久之姑託補陀進香自沈於海鄣
之人哀之爲徵詩於四方而以鶴骨簫爲題簫姑所製
也

巧製玲瓏一管留前身原是鳳皇儔可憐骨碎魂銷後無
復和聲出玉樓

按律原殊截竹清此中哀怨却分明莫教吹入浮雲裏錯
認秦樓引鳳聲

校秀水沈雲泉秋亭詩

論詩必少陵所見亦殊泥生非天寶時安用語輒涕我
朝盛風雅鼎鼎百年際漁洋不可作宛陵亦久逝獨知秀
水賢餘風未墜地尤者稱二沈和聲競棠棣往讀司勳詩
愬恩惜未既今來手此編反覆不嫌細雨窗正無聊觸眼
動古意格律知非矜性情此聊寄會逢乾嘉朝政事少缺
替優游山林閒俯仰默自契穆如誦清風古今想不異始
知詩盛衰本與世相繫何必哀江頭絕調變風繼我生恨
已晚掩卷感歎歎

秋感

一蟲始發聲百蟲響卽應啾啾階砌間有若咎與贈微物
豈知秋默若順秋令我思造化功溫肅本各正胡爲秋易
意菖山館詩稿 卷九 八
悲淒氣若獨勝可知心無感百感自退聽憂患歷旣多形
體亦交病百年一炊黍惘惘將安竟

飢民船

朝來飢民船暮來飢民船飢民來何所審音半淮安老者
面無色少者膚不完不食已三日問之心悲酸非無常平
倉倉穀久沒官官府意惶遽亟亟議勸捐此閒數商富幸
尙家儲寬十萬青銅錢踊躍輸江千飢腸雖無濟已得飽
一餐所嗟瓜州口來者仍源源

一船十數人十船數逾百豈皆無業民赧顏此求食共指
一翁言此本富田宅倉廩堆重重餘者換布帛水至不及
防全家痛離析老翁急搖手淚已紛暗滴有婦抱一兒屢

欲江心溺云本土人妻忍死此朝夕其他更安論溝壑填
充塞存者尚無算面目少人色諸公雖樂施盡救豈可得
歸從官粥厥念此徒歎息

飢民雖可憐豈無不逞徒傳聞蘇常閒官道成畏途有船
便爭奪不顧嗚與呼居人盡驚恐老幼各自扶相戒早閉
門毋待日已晡幸尙畏王法一飽無他圖不然恣強悍所
至成葎苻要賴賢司牧綬定先通都毋使失巢雁哀轍徧
江湖

瀕江大寺院盡改棲流所留養已萬人來者更安處後船
去京口前船下陽武就食誠何心豈忘流離苦分插苟得
宜所過自安堵如何飛檄來驅之還故土故土儻可還誰
意茗山館詩稿

卷九

九

肯棄門戶彼豈走險鹿視如出柙虎羣慮知紛紛上告幸
大府關心念吾鄉夜夢警檣櫓

歲暮

白首仍爲客驚心歲又闌畏人聊閉戶久病未辭官傍郭
喧難避臨江氣倍寒兒曹知念我還與報平安

己酉

新年作

新年乍可破七日四日陰雨三日雪喜逢今朝天放晴人
意欣然若可悅仰觀天宇東方明檐前鵲噪聽聲聲凍雲
欲掃未盡掃紅日待生猶未生願得東風起南陌催動春
光散寒色開徧枝頭桃李花暫扶殘醉停金勒

人日飲沈玉生齋中賞菊

誰向東籬折一枝爲君相伴雪霜時分明別抱凌寒意不
許空山草木知

釀得延齡酒自誇故留秋色鬪春華不關入座逢殷七開
出人閒頃刻花

杜甫草堂詩未寄陶潛荒徑問何因莫愁孤負探梅約故
遣黃花刺眼新

題張淵甫瑞瓜圖

淵甫司鐸句容垂二十年年六十矣昨年忽得孿生子
其門人作瑞瓜圖以紀事蓋句容學宮本有元人所傳
五瑞圖瓜其一也又明宏治中學舍旁曹氏兄弟孿生

意茗山館詩稿卷九

十

一曰崑一曰岐同年成進士復同官太僕卿生之歲並
蒂瓜產於庭人以爲瑞故曰瑞瓜此圖之所仿而名也
淵甫勵學積德食報當無窮圖之作誰曰不宜因成此
以貽之

容山學舍廣數弓先生教士居其中十年不調意自得兩
鬢惟是驚鬢髮雖然有子遠游宦不得侍養隨鼓鐘一編
兀兀抱終歲豈漫牋注誇魚蟲慨今宗法久不講睦婣任
卿知誰隆徵經據史費尋討徑欲假此還純風諸生漸染
習禮教鄭賈應亦無其功况逢災年輟鉛槧不辭勞勩鳩
哀鴻窮黎全活識無算天意那弗豐其功瓜生並蒂信非
偶瑞應試聽呱聲洪曹卿故事豈足道達适突忽生方重

先生掀髯定一笑傳經預計他時同只愁堆盤但苜蓿未
免梨棗難爲供嗟余德薄枉相羨一子未忍謀歸宗願從
先生究宗法鈍翁之論吾焉從

喜聞閩浙官軍會剿漁山海盜盡殲其衆而歸

海中本是盜賊藪自殲蔡逆太平久不知何年復嘯聚余
山尾接漁山首往來商船心膽落礮擊檣摧死八九生者
勒贖不論錢纍纍白金量以斗沙船水手盡憤怒導引官
軍逆潮走夜深突入賊未防竟火其巢盡厥醜是時風雪
正怒號威助叢林失虎吼夔夔凱鼓振旅還露布飛騰告
我 后我思海島雖鴛深食盡焉能此永守誰齎盜糧豈
莫知養寇休徒武臣咎吁嗟乎東南頻年苦用兵至今

意茗山館詩稿

卷九

十一

宵旰憂朝廷諸公盡肯手擊賊庶幾四海皆昇平

張詠仙之官桃源歸自金沙作詩寄之

桃源瀕長淮其地苦卑溼民食賴熬鹽梟販此翕集入耳
少弦歌邠更俎豆習君去百不宜坐卧意豈愜差喜人事
簡頗可古賢接到官兩月餘著述定滿篋是否家人攜得
免米鹽雜路阻書未來夜短夢難及相失恨金沙望斷江
頭楫

大水行

江潮夜捲風怒號勢若萬馬騰空槽沿江居民盡驚起登
屋攀樹爭先逃去年災黎尙滿目流離堪更今重遭忽傳
丹陽漢時郡浪駕采石兼天高城中大小萬千戶半化魚

鼉吞鯨鼉上流楚蜀復奔放焉有巨浸容沿沿潛掘東壩
計豈得遺禍下及蘇常遙我聞惶遽不成寐枕畔徹夜掀
風濤雖無田廬有墳墓忍看漂沒同禾蒿朝來喜得故鄉
耗城版未灌猶平濠但願西風起奮迅汪洋亦易郊原消
西望江流發源處浩蕩萬里心憂忉市頭斗米過六百食
盡誰忍飢腸熬議蠲議振但故事 宵旰獨使 深宮勞
魏默深刺史過訪有贈

魏公本是老經師往日聲名海內知學道從容忘客著
書慷慨識憂時螭坳日暖揮毫易燕寢香凝退食遲一別
十年驚草草燕雲楚雨總堪思

謝友寄純鱸

意苕山館詩稿

卷九

三

慣嘗鮭菜樂原眞又感純鱸寄遠人今日堆盤有兼味底
須更笑庾郎貧

屢誤歸期祇自哀江鄉風味舊曾陪莫疑病裏渾忘卻不
到秋風便寄來

秋懷

蘆荻荒荒水國秋客中扶病強登樓關心飢雀空倉噪極
目寒鴉枯樹投庾信詞章垂老賤王尼身世幾人憂一甌
欲做歸無計落日高歌且未休

江干送客偶詠

無聊豈獨晚秋時病後心情百不宜偶爾江頭送行客妙
高臺下一題詩

岸頭積水未全消深淺何須更問潮指點夕陽明滅處敗
蘆殘荻兩蕭蕭

幾家茅屋近江邊水面風來荇藻牽正好午雞噉欲罷不
知何處有炊煙

小艇如飛喚不膺江心塔影失層層新沙一夜添無數浮
玉真堪策馬登

寄陶靜庵

貴鑑

并簡楊芸士

文孫

同官踰半載君意頗我親夙昔雖未識本是同鄉人相聚
豈不樂念茲離別辰蒼蒼蒹葭色忽變桃李春感君遠相
憶寓書埒修鱗書中何所言含意若未伸楊君我舊友近
與君結鄰漫謂我能詩語君意諄諄豈知候蟲響但可任
意茗山館詩稿

卷九

三

草根況經喪亂後百病萃其身呻吟藥爐畔出語無一新
何敢更張膽得失憑君論他時尙湖曲定擬重尋君願將
載酒意并告楊子雲

校張詠仙詩畢題寄

眼前百事皆可憂江湖欲濟無扁舟美人渺渺隔天際空
山無伴聲誰求朝來忽墮青鸞使一卷新詩埒書至開緘
亟讀愁更愁中有難言無限事妖氛乍見海天銷汪洋又
看騰螭蛟東南秬稻苦不足哀鴻徧野聽磬磬霖雨蒼生
欲誰起東山高卧人往矣書生抱劔徒長吟有淚黃河不
能洗流連風月安足論近來長句推何人願將杜老江頭
詠高唱凌風萬里聞

挽沈鼎甫先生

搔首天難問傷心殞老成關河恨遠隔風雨夢還驚道在
忘名位交真見性情寢門吾敢哭師友誼兼衡
當代論民望如公有幾人曾懷殊落落氣象自閭閻愛士
孔文舉談經井大春無田歸獨早不惜一官貧

賜金知己盡待火尙千家雪涕宜行路停驅愧殯車歸難
鑑湖乞願竟菟裘賒任叻遺孤在單寒孰共嗟

書來曾幾日一病竟何名心以憂時悴身難去國輕傳家
惟孝友入世厭逢迎有道碑誰屬追思淚欲傾

偶作

世路崎嶇豈易平鉤衣荆棘亦堪驚忘機付與閒鷗鷺餘
意茗山館詩稿

卷九

古

粒憑他鳥雀爭

風波如此尙天涯爲戀青山一角斜祇是夕陽枯樹裏飛
飛先已搶歸鴉

寄懷張淵甫

當代論宗法津津孰與傳著書須有用入世定何求薄俗
知難挽純風竟欲留小儒應咋舌讓爾獨千秋

省試改期十月作示懋兒

我曾號舍中風雨作重九淹忽二十年驚心已白首今年
過九月水退尙未久紛紛求試人襪被省門走候已小雪
交冰漸官河厚寒氣逼夜深脰骨慮難受沉聞癘疫傳必
遇災荒後不去良亦可萬事皆非偶徒念我先人得第每

逢酉勉強聽汝行朔風正江口試畢望早歸毋更徇朋友
留連雨花臺尋眺鍾山阜讀書務科名此志笑已負罷疑
我慣經得失亦何有

勸捐款

倉空噪飢雀野曠鳴哀鴻民食欲何賴鄉富頗急公紛紛
勸不足鞭扑隨其躬青錢數十萬堆積官倉中雖難待麥
熟已可備窮冬有司沾沾喜自謂此我功哀矜豈尙存公
道久不容嗟彼獻諛子稱頌忘面紅豈知 皇仁廣恫瘝
抱無窮不靳發棠請焉致屯膏凶民財盡搜括此豈盛世
風世無鄭監門痛哭吾誰從

米船謠

意苕山館詩稿

卷九

五

朝朝望米船暮暮望米船米船來何所上自兩湖接兩川
今年水災徧七省安得湖與川獨有餘米來源源朝朝暮
暮望米船米船不來躑躅江千窮民食盡官亦不自安招
徠商販得免關稅 皇仁寬我更有一言欲告我大官河
南山東麥大熟何不并免麥稅使麥滿市廛民卽無米亦
足飽一餐焉用朝朝暮暮望米船心知大官然不然西風
獨立使我心悲酸

哭徐秋士

生別且惻惻死別那更親自我與君別淹忽二十春中雖
幾相見草草安足論傷心歲癸卯君船泊江濱勉強赴官
去病已隨君身知我喪亂後閱我遭遇屯殷勤話夙昔君

意何諄諄心知歸難必誓言今猶存豈知此執手卽是永
訣辰茫茫數千里一慟何由伸嗟君髮甫燥名已驚其羣
春官乃十上毘毳徒風塵捧檄念親老驅馬聊三秦此本
帝王都氣象雄嶙峋古今恣憑弔肝膽輸輪困眞如杜陵
老下筆如有神知君意頗適況乃民俗醇憂歸尙我諷大
可此結鄰恍如前日事思之淚盈巾我有舊相識昨來自
雍邠道君政殊美得比黯與恂共謀祀名宦不獨一縣民
致此豈易易感激知何因始知古循良抱負皆有眞非如
彼俗吏身沒名隨漚死生事非細得失難具陳江頭望日
日喪車過麟麟會當盡一哭無待墓草新校年僅三歲君
先作陳人我衰益自悲地下誰尋君

意茗山館詩稿

卷九

六

寄妹餘杭

此生骨肉惟餘汝一別何堪更十年便令歲時常我在已
知歡笑異親前貧無鹿挽原非病聽到雞鳴每自憐鏡裏
麤麤頭白盡讀書惟是望甥賢

漢陽大火歎

漢陽繁華天下稱商船輻輳江頭停笙歌十里夜不斷燭
光燦燦搖疏櫺自從蛟涎毒爭吐淮南處處無乾土官鹽
價昂私鹽低岸引稽銷已默苦連宵熒惑夜有芒夢回忽
聽風聲狂鈎連鐵索救不得延燒三日成崑岡可憐歌舞
聲方寂百萬金錢化頃刻樹頭惟見青蚨飛夜深愁伴新
燐碧官山府海自古誇盛衰轉轂眞堪嗟焚樓燈火平山

月風流吾欲思乾嘉

聞湖南有警

從古苗難格凶頑性孰窺舞干雖兩陞分竄卽三危迹本
豺狼近飢憂鴻雁隨脅從宜亟散毋使擾邊陲

顧湘舟以魏默深書來訪卽送旋里

相逢休說故鄉人各自天涯未一親卻愧尺書江上至重
煩蠟屐雨中頻手鈔萬卷身忘老家散千金意不貧可惜
恩恩當歲暮不教投轄效陳遵

懷張詠仙里門時以留司振局不赴桃源

卽今誰是濟時才徧野流鴻劇可哀莫道腐儒無一事振
災還要此人來

意菴山館詩稿卷九

七

歲除

一笑浮生付夢婆鏡中自看髮皤皤詩於少作刪難盡事
過中年悔已多寒歷朔風裘遲典光搖殘燭酒微和歲除
便算今年好骨肉團圓客裏過

意菴山館詩稿卷九終

孫潤庠曾孫家振校字

意菴山館詩稿卷十

元和陸 嵩希孫著 男懋修九芝校

庚戌

元宵

客中佳節總無聊，病起餘寒況未銷。
鎮日雨風聲裏過，不知今日是元宵。

題王研雲坐看雲起圖

無端出岫本何心，孤負空山自古今。
想得露琴風幔底，閒閒看罷一長吟。

往事追思應共傷，悠悠南望路偏長。
幾人親舍知長在，不敢低頭指故鄉。

意菴山館詩稿 卷十

追悼錢塘程雪門明經

亂後無消息，驚疑直至今。豈知墳草宿，還欲夢魂尋。
阮瑤才名盡，江淹別恨深。可憐故人淚，難灑舊時襟。

內人生日

七十稱古稀，六十已壽考。幾見同心人，頭白兩相保。
我幸得偕子，苦辛共少小。忽忽數十年，有若風過篠。
念子初來歸，容光頗皎皎。戚黨爭相誇，真足奉蘋藻。
三日過廟見，被體卻織縞。操作卽躬親，歡心得翁媪。我時因佔畢，米鹽不自了。
中饋賴獨持，面目漸枯槁。非獨事二親，婦職盡寒燠。我有弟病瘵，日夕暗祈禱。
臨危無兒放，聲哭兄嫂子。雖不敢專心，已慙如擣脍。我稟高堂哀，服易提抱親。心正悲

傷聞語淚先掉誰家新婦賢大義如爾曉哀哉未踰年家
事益顛倒我父棄我去血淚徒辦標苟延菽水謀養母走
遠道孀孀婦與姑相倚食辛芻勉強薄祿營非厭茶根齧
亦冀息驅馳常得剗前繞此願且莫償返哺愧烏鳥婚嫁
奈未完忍痛此求飽倉皇鬼寇逢烽火逼城堡性命幸得
全往事更何道每與話庭闈淚痕輒盈瞭并曰幸免親兩
鬢已蓬葆阿翁昔有言回念心如絞謂願爾他年取婦如
爾好親恩報何時長歎仰穹昊我生積罪戾賴子補微藐
子今庶稍安祇恨歸不早今年設悅辰便擬階除掃一觴
晉兒孫毋使愁重攪會逢 國卹時敢自陳羸羸姑與成
此詩百歲期偕老

意茗山館詩稿 卷十

二

金山

傑閣凭闌望江流萬里長片帆來極浦一鳥下斜陽塔影
淩波暗鐘聲入夜涼新洲添幾許水患未應忘

懷唐春舸顧子雨吳子芾諸舊友

頭白何堪萬里行十年消息斷郵程別時鄰里分新舊少
日交游半死生山郭樹迷鄉夢遠海濤風捲旅魂驚相逢
莫怪人難識金榜都無羅隱名

對月

兀坐意不樂忽若有所思古人隔千載亦旣難見之非無
同心友半已人世辭存者今無多又皆遠別離世風日已
薄人心日已非新知異懷抱古道難共期團團天邊月照

我猶昔時月既知我親我豈負月知夜夜守空庭不畏清
露滋向天默祈禱毋使雲雨施雲雨有反覆人事多差池
歎息復歎息誰能心無私

宣廟挽詞

孝慕終身冠古今追陪 慈馭痛黎黔百年恭儉成康業
卅載憂勤舜禹心不尙武功知 德厚欲停 郊配識哀
深小臣莫遂攀髯願望斷時巡玉輅臨

和王研雲扁豆詩

豆於百穀中本是菽之屬不知始何人作蔬雜葵藿扁者
生秋時延緣徧屋角垂垂燦紫莢挺莢映添綠兼可伴秋
花清幽助籬菊斯味江鄉最登盤異常較自君宦六安眴
意茗山館詩稿 卷十

三

經幾寒燠食此每不甘歸心動棖觸有人故鄉來攜贈滿
筠籠欣喜付烹調配鹽和以酪皮肥子圓綻誇譽劇童僕
彷彿舊田園風景憶猶熟蘇潤一水通異君隔川陸未必
種便殊但少市頭鬻寂寞此秋光到眼或不足差幸學舍
旁餘地饒花木因之課園童插架傍疏竹非獨備供饌亦
藉寄娛目本來疏水賜敢道鄙食肉已愧十年來全家飽
苜蓿況曾兵火經幸未卽溝壑容此養衰庸於我得非福
歸耕諒無期老圃笑徒學何時共故人翦蔬話衷曲

和嚴子秋

浦雨中游焦山詩

冒雨尋山與本幽宵深還與一登樓卽看隔岸估帆聚卻
喜臨江戰壘收魚鳥有心嫌俗客風雲自古惜名流誰將

出處憑君計恨未芒屨共此遊

黃韻珊公車北上枉訪有贈

自我別君十六年知君念我心拳拳中閒雖嘗一書寄意殊不盡言難宣江頭忽報片帆繫知是恩恩隨計吏相逢意外喜復驚不暇離情話瑣細袖中一卷冰雪詞性情自寫誰能知曉風殘月欲何限纏絲意興猶當時嗟我頭顱雪如許欲歸未得仍羈旅况經寇亂心半枯那更向人有新語方今四海望太平求賢明詔頒朝廷獨長貧賤亦可恥勉旃慎勿輕浮名祇是此行太草草望遠徒令怨長道萬一歸尋鷓鴣盟毋忘乞食江頭老

折無六十初度

意菴山館詩稿

卷十

四

世無百歲人六十已稱壽我體素羸弱得此豈非偶獨念少壯時歲月誤奔走自我二親沒始得博升斗爲養恨不逮寸歡亦何有若菽水供永不離左右松楸望依微缺祭痛已久側身兵戈閒流離況八口積憤滿胷臆往事堪回首生有兩男兒衣缺時露肘大兒先我死無子未立後一棺尚淺土風雨空山阜爲父誠不慈淚落兒知否眼前惟小兒顧影憐寡耦省試輒遭擯失學亦吾咎有孫稍可喜四聲幼能剖十歲畢九經得天或差厚吾願雖不奢返躬已顏忸嚴訓憶親承計年正八九期望親頗殷立身敢或苟潦倒奈半生面目雜塵垢卻望此孩提成立學勤誘年命安可知眞笑忘衰朽近嗟病時侵過存少親友勉強

整衣冠負鐸逐矇眵老妻殊我憐屢勸歸農畝謂不羨食
肉何不厭菘韭僕僕風塵中誰容此迂叟我非情不知折
腰恥甘受奈逢歲屢荒餘米少盈缶遣兒營草堂兩載未
斷手滯留豈周南綢繆早戶牖往來姑金焦奚囊此常負
幸未詩腸枯無用澆以酒

董琴涵丈以乾隆庚戌與先子同入吳庠今歲重遊

泮宮成此奉寄並以誌感

門仰櫺星紫氣開峩峩高聳牙冠來宦成南海華夷重歸
臥東山歲月催夾路旌旗爭顧望幾家冠蓋盛追陪微聞
耆老分明說六十年前小秀才

場來鬻序感前因曾是西清珥筆人一代詞林歸領袖三

意茗山館詩稿

卷十

五

朝公望重垂紳談兵慷慨遭時忌講學從容見性真垂老
不空心報國諸生何幸步餘塵

側聽圖橋敘語溫舊時朋輩幾人存臨風應感山陽笛話
雨誰陪北海尊玉樹挺生原世澤蒲輪免召亦君恩得

歸定許牀頭拜先德頻煩與細論

先朝舊臣時俱
奉召入都

芹藻依然星紀遷因公我亦感行年

余亦戊
歲入學

一甌未失庸

非幸初服難成祇自憐獨客琴尊尊虛夜月故鄉雲樹鎖春
煙宮牆一桁紅相隔望斷春風杖履前

沈玉生自里門赴白下來晤卽別

君從故鄉來問君故鄉事去年故鄉水聞已門前至幾家
稍爽塏魚鼈未須避入冬定全涸或有可耕地潤州泛江

潮水退頗不易春來麥隴閒雙歧忽挺異有生所未逢老
農感交涕我鄉近何如嘉祥竊心冀君言將毋同豐歉皆
天意兩歧安足論三穗君知未嗟嗟兩腐儒頭白天涯寄
家雖半畝無心尙災黎計敢爲越俎謀妄預當官議世無
獨飽人歲豐庶趨義況聞川廣閒民皆有生氣一歡且今
朝江頭纜姑繫

送陸淞帆

應祥

入都

斯人廉吏後何乃竟長貧頭白仍爲客時艱不惜身十年
幾相見千里更誰親望望京華路能無一捨神

寄沈廉仲

宗濟

禾中

病魔遣不去中夜生旁皇朝聞故人至急起扶匡牀離別
意苔山館詩稿

卷十

六

雖未久欲語先意傷雍容盛萊綵忽變麻衣裳自我依先
公白嶽黃山旁捉襟肘欲見忍飢面羞黃相憐感公厚拂
拭增容光一爲金臺別十載催星霜海氛忽不靖鼙鼓騰
倉皇金焦北固閒慘見成戰場公聞遽驚愕消息探不遑
亂定一書寄憂國心彌長前年 予告歸枉顧喜欲狂烹
蔬話終日愧未羅酒漿君家好兄弟隨侍方洋洋方謂免
朝請正可任翱翔何意僅三載遽爾還大荒君兄宦京邸
湯藥不得嘗獨君奉左右那不悲斷腸赴書遠相寄哀痛
難自量君今訪親故歸從石城航豈料道旁值葛帔哀襦
康何弗且歸去亟謀表瀧岡勉期吹填箎同聲追歐陽迢
迢路相隔欲訴恨難詳寫此寄相憶餘淚猶浪浪

哭王亥坪同守寄令子暨方昆仲

忽傳消息惡入耳尙驚疑豈意三年別真無再見期江流
變嗚咽山色莽淒其不得憑棺訣臨風涕淚垂
薄宦原非計勞勞誤此身不嫌上官忤偏喜腐儒親思古
情同切憂時意獨真拂衣竟歸去相失恨江濱
不堪聞赴日重憶到官年兵燹驚方過災黎痛滿前每憂
風未古欲望雪盈顛他日論名宦誰能先此賢
隔歲書猶在重看淚滿纓得歸原樂事有子況成名正望
蒲輪奉仍隨竹馬迎傷心今已矣後死更何情

答顧子雨四明寄懷之作

畏人常閉關積懶遂成癖一二蓬蓽交有懷尙不釋晨起

意茗山館詩稿

卷十

七

鵲噪檐剝啄豈有客遠道一書來欣喜動顏色開緘且未
看往事多感激鹿城識君初風雨試聯席一賦飯後鐘聲
響兩藉藉爾時正少年意興欲何極蘇婁一水通過從易
晨夕廿載困名場須髯遽如戟飢寒奈交驅蹤迹異南北
自從兵興來人事愈促迫我於飛礮中一死免幸獲妻子
泣相送顧存少親識苟延近十年白雪已盈額持書誦回
環纏緜愴今昔知君向平累垂老尙服役一挂吳興帆再
上四明舶四明我舊游風景異荒僻海氛一不靖市兒習
鋒鏑方今 聖化新鬼腥亦應滌君觀海門潮諒猶動心
魄冷冷蒼雪問是我先人宅松楸今如新缺祭歲久積根
觸因君詩流涕被曾臆何時許歸耕來往昇山側相尋葺

笠屨遠勝錯袞烏君意定如何塵鞅亦當息夕陽樹頭紅
細草江千碧相望不相見離情倍脈脈

偶成

屋廬深處少塵埃門對青山鎮不開小鳥亦知人意懶飛
飛不肯入簾來

幾閒茅屋任敲斜一角紅牆曲曲遮可惜萬竿修竹裏不
棲鸞鳳只棲鴉

新秋

西風颯颯雨纖纖鎮日虛堂不捲簾濁酒自嫌愁裏對新
涼時畏病中添更無長計營蓑笠未免關心問米鹽贏得
山妻成一笑不如險韻且重拈

意茗山館詩稿

卷十

八

寄黃韻珊

風塵何處撲征衫料得江鄉早卸帆多事十年情略詠轉
教一別恨難芟藥爐茗枕真無賴綠水青山信不凡便欲
署他鷗鷺長爲君商略好頭銜

憎蠅

爾從何處來營營乃此集初但牆壁依漸乃簾幙入引類
槃椀閒坩熱性所習向曉卽薨薨當晝更翁翁深恐亂我
聰不但擾吾頰玷汚偶不防素衣已暗襲其害並細蚊肌
膚肆攢嚼驅之去復還塵尾倦手執得氣知幾時暄淒會
更躡何勿早潛蹤毋待西風急

金沙舟暮

水田漠漠接陂塘叱犢人歸正夕陽一路好風吹不斷稻花香勝藕花香

與曹二香

朝卸江上帆暮叩故人室故人方呻吟我來喜欲失扶病出相見細語訴難畢同官四五人歡聚憶當日淹忽會幾時已是半存沒阮公最强健今又撒琴瑟我時屏藥爐亦未逾市月相對各自憐一身賸皮骨迢迢故鄉水非有千里關買山奈無資監河粟誰乞雖居 聖明朝登進方羣傑疇甘坐廢棄沒世不自疾奈茲兩病軀腰已不堪折西風起蕭蕭木葉警初脫加餐願同勉勿藥喜有吉就令許歸耕得終老蓬筆亦當健腰腳毋但仗卽粟往來桑麻閒意若山館詩稿

卷十

九

晚景庶可悅談深坐忘久夕陽欲西匿鄰笛聽山陽悲來正不絕

中秋大風雨金沙寓館作

飄風暴雨朝不終滿望皓月成秋中豈意三日不休歇家家蓋屋無纖蓬高原積水忽盈尺低田淹沒迷西東連年水患四方告米價直欲珍珠同飢民乏食聚成盜道路剽掠居然公雖喜今年麥大熟所望要在秋收豐閭閻氣象庶一變堪更原隰俱成空此閒衝決已可畏近江圩岸愁交攻荒齋半敞傍城築下瞰北固濤洶洶家人今夜定惶懼過涉滅頂占知凶此尙私憂未足道高枕終必無哀鴻安得喚回風雨師稍留殘稻安愚蒙

旅夜

病骨支離甚，經秋更不支。可堪羈旅夜，復此兩風時。怪鳥
嘯深樹，叢蛙亂曲池。終宵渾不寐，心事欲誰知。

心風挽阮淦亭

仰龍

昨冬至今夏，已哭兩故人。可堪淚未乾，又此來哭君。君初
頗我違，相見不一親。我復懶成癖，亦遂無晨昏。倏逾三
載過，從稍兩殷。我知君情厚，君識我意真。我苟有過舉，規
我恆諄諄。察君性，伉直於物無所徇。遇有拂意事，動輒生
怒。噴得免衆交，忤事過悔亦頻。我時效鍼砭，不待言畢伸。
亟起把我臂，謂當書諸紳。念昨盛暑際，我方病重茵。君來
戒勿藥，出門屢逡巡。何意未弔月，我反招君魂。嗟君守盤

意菖山館詩稿

卷十

十

藉已踰二十春，百願未償一勞苦。徒風塵君有四男子，少
者殊恂恂。餘皆廢弦誦，未免爲愚民。隱憾抱莫釋，語我常
酸辛。君病或坐此，果爾君其慎。堪悲更往日，鬼難遭。遭速
不死亦偶爾，家室知誰存。亂後各相弔，白髮驚添新。此痛
尙如昨，哭君君豈聞。西風動，總悵涕淚空沾巾。

重九

貝不

客中今日又重陽，獨自登高一暗傷。到眼江山餘戰墨，驚
心風雨作年荒。丹楓不改舊時色，黃菊卻爲故國香。那得
白衣還送酒，鄉關望斷路茫茫。

黃韻珊挈其姬人赴皖阻風京口重來話舊

望君久不來，定知君歸去。今來自何所，尙疑夢中遇。君言

一舸停江頭載將絡秀龍山遊龍山風景本清絕我曾蠟
屐逢深秋君去楓林正一色載酒尋詩興何極雖今翩翩
非年少豈必風流遠殊昔淺斟低唱知何人一枝詞筆屯
田新美人才士自千古定有圖畫傳江津只是春風動賓
館寂寞家園問誰管願得歸帆早日縣休令芳草閒階滿
葉青原自浙入都來晤
一別心驚十六年重逢草草九秋天漫愁薄宦全家滯卻
喜循名衆口傳患難共經憐我老簿書猶困惜君賢歸來
願爾雙旌換快與金焦袂共聯

乞人畫山水

江上金焦兩點環十年來往翠微閒江山如此不能住卻
意茗山館詩稿 卷十

笑從人乞畫山

野望

野曠天宇高四望氣清肅蛩聲寂不聞蕭蕭但落木心念
田閒禾高低應全熟荒歉嗟頻年積水滿溝瀆轉徙雖得
歸傾圮尙茅屋炊煙起幾家衣食得豐足相戒租吏來雞
豕具宜速咨嗟聽老農歸途意躑躅

張詠仙寫潤州論詩圖見寄索詩

君詩我能知君畫我未識開緘忽寸絹訝潑淋漓墨彷彿
几案前雲氣暗壅塞贊歎且未遑撫玩動感激念當兵燹
過君來主講席北固金焦閒題詩徧崖壁餘氛賴一洗江
山遽改色就我移匡牀唱和每晨夕慨想乾嘉來詩教失

典則空疏託性靈險怪破格律抗論恆宵深兩情彌相得
淹忽會幾時須鬢各添白著我畫圖中相對脫冠幘風聲
起林梢燈影出窗隙一氈坐將敞意興豈猶昔君時薦爲
縣聲名正藉藉行當戒舟車鳴琴赴京國此事幸毋廢非
徒紀行役必遇佳山水更煩繪成冊持歸示鄉人足抵卧
游適自從風雅衰政但催科迫那得弦誦聲傳播滿都邑
望君政早成歸卧煙蘿碧相從話平生留此證陳迹

秋懷

未央宮殿做崔巍紫氣紛看北斗回萬國衣冠欽玉陛九
霄雨露下銅臺紀綱不待鳴鞭肅讜直先聞賜筴開何事
羽書傳絡繹安危豈獨少邊才

意茗山館詩稿

卷十

三

一從滄海見揚塵跋浪魚龍久未馴列埃烽煙銷幾處嚴
營刁斗肅何人時無頗牧憂原切邑有龔黃化自神但使
耕桑俱樂業誰輕一死著黃巾
妖氛萬丈桂林城露布頻傳賊未平元祐急徵司馬相西
陲先駐范公兵六州士女壺漿待十洞苗獠囊韃迎計日
脅從應解散平林新市盡蒼生
寶劍高懸萬象休金甌無缺此神州東南不盡魚鹽利西
北先平竹箭流對策已聞收賈董持籌何用借桓劉只愁
蓑笠江邊老匏葉空歌冷釣舟

書曹給諫

檄

南糧改折疏後不擬寄曹比杜和元

與陳空云爾

東南困轉漕比屋無餘糧舳舻互千里勞苦輸京倉當事
議改折其意豈不良所嗟十年來徧地愁銀荒一兩準斛
米取民原無傷苟於正供外耗羨百不將國用旣無缺民
食豈有妨奈彼倉胥吏誰肯虛囊囊加折儻倍徒閭閻實
旁皇況茲運船夫率皆稱強梁平時習剽掠失業安可量
非如兵興歲得充黑衣行此必徇州縣謀國安得戚吾鄉
髯御史奮袖爭朝堂得旨俞所請 聖恩自非常敢謝
力回天況本循舊章所願吏奉法勿竭私家藏輸官有餘
粟俾足充飢腸軍船挂帆去歡聲滿途旁可憐蘇松郡夙
稱秔稻鄉城中萬千戶積穀誰倉箱改折果無弊捆載回
餘腥菽粟比水火何歲非豐穰要須度畎畝修復先北方
意茗山館詩稿 卷十

三

漕夫盡歸農畚鍤各不違刀劍化耒耜盜賊更不防擔負
徧都市無用招販商上下庶交足薄海書平康不然變法
始那免民惶惶直言會羣進 聖人方垂裳

酬張詠仙

行年五十方爲縣苦恨之官尙大難何似一甌常兀坐未
應八口便無餐幾人得署陽城考自昔空彈貢禹冠我更
爲君商出處臨風無那一長歎

冬夜

羈人耿不寐寒夜燈無光忽聞荒雜聲攬衣起旁皇庭前
看積雪冷氣不可當陽春歎久逝百草誰爲芳念昔志節
士拔劍舞中堂功名不早立老去空悲傷悲傷亦何已役

役猶非鄉千秋一瞬息四望心茫茫

庭前積雪聚成兩山朝來忽失所在喜而有作

開門失兩山豁然快人意此山自何來本是天公戲雖無
萬仞高亦作漫天勢高堂鬱崔巍空庭暗遮蔽瞻仰笑路
人秦岱若無異堅知藉風尖澆豈畏湯沸所恃惟晦陰儼
可久長計豈料春默回旭日當霄麗傾刻化流澌還此階
前地不見楊家山歎息千秋寄

寒夜課孫作

畏寒不出門日擁一氈坐酸風刺檐隙尖利欲冰睡指凍
管怕拈袖縮墨不污憶昔少壯時顛倒逼寒餓僕僕風塵
中不自恤勞瘁老親每我憐補綴敝裘破親今在何處布
意茗山館詩稿

卷十

十四

衾任僵卧往恨焉可追良辰痛倏過廢學況已久誰更箴
我惰聞道定何日姑自幼孫課

次韻答寄邵子顯

失卻歸帆江上看宵深還自倚闌干懽愁欲訴都無據出
處重商兩覺難悔託鱗鴻麻更折怕聽風雨竹頻刪舊交
零落知同感輾轉相思夢得安

悼亡妾

傷離恨別欲誰知憔悴春來已不支強曳羅裙黯無語玉
梅花下立多時

老去情懷每自憐藥爐相對惜纏絲不堪小閣重帷裏侍
我添香只兩年

寫愁

出愁入亦愁愁至本非偶或謂酒可澆我偏不能酒放懷
六合間何事足哆口屈原沈湘江陶潛困五斗攬轡願終
虛牛衣泣徒負誰能畢此生筮易但无咎推排人間世筋
骨日衰朽雖聞日者言歲行幸過酉憂心終難忘勸歸屢
我婦先天骨肉親零落已八九有妹亦垂白操勞尙井臼
遠望隔千里寸衷得我剖同族盡困窮誼難分薄厚吾力
贍未能思之頗顏忸淒淒兩風聲宵來逼窗牖伏枕耿不
眠輾轉彼蒼叩

意茗山館詩稿

卷十

五

意茗山館詩稿卷十終

孫潤庠曾孫家振校字

意苕山館詩稿卷十一

元和陸 嵩希孫著 男懋修九芝校

辛亥

人曰招同陸聞裁毓元程曉楓爾亨小飲

客裏逢春不當春與君同是故鄉人偶聯官舍襟情洽卻
話時艱感慨頻千嶺好留殘雪在一枝喜見早梅新草堂
題句憑誰寄且領尊前笑語真

學舍淵源堂西舊有隙圃偶卽其地築爲書屋顏曰

卽吾廬詩以落成

敝廬草草營聊藉蔽風雨三載迄未成歸願歎猶阻人生
無百歲戚戚亦徒苦念古達者流隨遇便安處學舍雖卑

意苕山館詩稿

卷十一

一

陋幸尙有餘圃建屋可數楹非必比環堵鳩工際歲閒敦
促免馨鼓落成未而月輪奐坳堂庶桃李舊成陰無煩更
移樹牆外竹干竿引之可當戶於此安琴書頗足任仰俯
茫茫六合閒何處真吾土所嗟髮皤然來日短愁數安居
定幾時一瞬亦千古雖云卽吾廬終作他人所夢魂欲何
之依舊胥江澗

熟荒謠

斗米二百青銅錢一生能遇幾熟年年荒望熟熟亦荒誰
家大戶稱多田可憐額租畝一石盡取輸官不敢惜官曰
我倉米已盈爾何不歸辦折色折色今年定起科八千一
石不加多負米換錢錢不足熟年亦作荒年過吁嗟乎熟

年亦作荒年過年更逢荒可奈何

程曉楓貽盆梅賦謝

夢探元墓梅暗香尙滿鼻醒來仍異鄉卻喜鄉人至貽我
雙瓷盆作供案頭置虬枝翦屈蟠老幹鬱蒼翠疏疏幾點
花已是春風試賞玩忘夜深牽觸彌鄉思綺袂聯翩翩疑
若瑤臺侍歸隱儻有期江頭定君遲

早春

回首鄉園又早春風風雨雨一番新儘多柳綫難絨恨饒
有榆錢不療貧典盡敝裘寒尙峭移將破榻坐誰親客中
況味知何似便許還鄉樂豈真

次韻酬張詠仙

意茗山館詩稿 卷十一

二

春光到眼總成虛孤負年年此客居作計已非他日夢難
忘惟有故人書簫聲吹暖新晴候草色延青積雨餘病起
心情聊爾慰苦吟未廢五更初

鳴鴉

鳴鴉忽翔集鴉鸞欲引避雲路阻長風一枝歎聊寄豈伊
戀竹實族類竟忘異彼鴉徒啾啾非有遐舉志下上林木
閒但自飲啄計搜捕盡纖鱗不遺螻螳細惡聲播遠邇衆
鳥亦爭棄繒繳豈知防傾巢禍將繼不見西風來雕鴉下
天際鴉鸞終迨然萬里誰能繫

夜雨

夢回聽雨風颯颯動魂魄頻年苦水災哀鴻徧中澤民困

久未蘇盜賊充斥粵西數郡縣告警日傳檄堪更金戈
聲暗向檐前滴當階紅藥闌勤護費朝夕疏疏未作花摧
折那勿惜起看懶披衣餘寒布衾逼漂沒心更驚徑寸田
閒麥殘燈暗無光四望生歎息

謝子規

客中送客原無賴偏是今年幾度逢多謝子規嗔不住一
聲聲到五更鐘

得張詠仙書

忽漫一書至開緘感不禁未忘平日願猶見古人心道在
貧何論交真語故深只愁身欲老徒自託哀吟

惜春詞

意菖山館詩稿

卷十一

三

階前細草未全生春盡餘寒尙滿城無雨無風定幾日不
因時節近清明

衾單不耐薄寒加風雨連宵聽獨嗟可惜好春過已盡牆
頭未見一枝花

壯懷

壯懷慕舟楫欲作萬里行老去不復顧心結南山耕誰能
任意氣動與時賢爭方今粵東西照眼烽火明將帥屢更
置反側那盡平彼非逼寒餓性命誰肯輕長官苟能賢焉
用徵甲兵杜甫石壕吏元結春陵行手持誦不釋涕泗紛
沾纓艱難望急濟四海多俊英

有畫雞鷹同棲一樹者不知何意爲題長句

壁上何自來神鷹百鳥過之不敢鳴獨有雄雞樹旁立與
鷹相伴各不爭鷹雖矯健善搏擊似知雞獨備五德不忍
驅逐比鴝鵒毛血平蕪灑頃刻寫生妙手今久無細看令
我生悲鳴天生神物世豈乏真鷹會見騰清都

長歌行

自從海盜弄甲兵商船來往多哭聲擄掠老少縱收贖婦
女不得輕捐生日久成風痛誰戢達官亦受金錢逼江頭
野老憤不平此恥何由雪朝夕嗚呼此恥何由雪朝夕天
地低昂日無色

乞食

乞食心驚滿路隅相逢誰爲立斯須莫嫌此輩渾無賴猶
意菘山館詩稿

卷十一

四

是人間安分徒
漫道年荒民未飢相驅爲盜莫相疑君看烽火連天處行
路何曾有乞兒

落花

爛漫春光未欲殘紛紛飄墮太無端也知地下難重好卻
恨枝頭失細看錦檻懶尋蜂蜨暖雕闌愁倚雨風寒此情
堪更明年想便到花時亦少歡

立夏日作

朝聽風雨聲暮聽風雨聲朝朝暮暮聽風雨九十日春幾
日晴忽見堆盤櫻筍好豈是今年立夏早重衾坐擁愁復
愁萬里窮陰欲誰掃嗚呼萬里窮陰欲誰掃起步空庭自

默禱

舟行見月

推篷起看月滿湖疑是老眼昏模糊沾衣欲溼霧初散雨
氣知已銷蘼蕪舟人指點最高岸小麥青青望不斷安得
更放十日晴便可食新足吾願君不見粵西烽火四野屯
可憂何必非飢民

溧陽道中

一櫂重來髮已皤十年幾度此經過欲尋舊夢知何處千
古無情是綠波

抱城幾曲水彎環小艇如飛去復還遙望湖波通渺渺不
知何處白龍山

意苕山館詩稿

卷十一

五

世事茫茫感不禁蓬窗閒倚託長吟高風千載誰重問悽
絕空投瀨水金

舟暮

夕陽冉冉欲下山舟人相招爭卸帆客心雖急奈何許行
路益知今更難斷港支河少行楫官塘亦豈無豪客安得
重如年少時夜夜櫓聲聽不絕

送張詠仙之官隆平

儒者通經足致用位望豈必鼎台重縣令本是親民官不
負平生在此送送君到官知何爲君言自顧非吏才一疏
告神一示民祇此可慰知已懷我聞君語起三歎近者

憂勞正宵旰州縣長官盡爾賢滿地干戈亦奚患自來燕

趙多悲歌君去感激知如何安得凌風增雙翼從君一夜過滹沱

再送詠仙

此日方看領縣符留君無計一長吁曾多憂患輕鄉里眼識風波畏世途盡室北行勞僕從終年老病憫妻孥離情直欲隨帆影自向江頭看到無

庭杏爲大風所拔

庭前杏樹高過牆我來作花方未央五月結子動盈斛兒童飽食不可量不知何年受蠹蠹蔽皮剝裂無容光一朝狂飈起摧拔土淺不復根能藏作薪可供數日用斤斧便任丁丁戕此樹雖非松柏比伴我歲月亦久長眼前失此意茗山館詩稿卷十一

六

百無賴我歸未得能無傷

蛛網

蛛網挂檐端團圓亦殊好所嗟腹彭亨志但營一飽蚊蠅偶誤投得脫固知少其毒雖甚微有害卽當掃吐絲漫疑蠶經綸自懷抱

趙心農

兆熙

罷官欲歸詩以寄慰

不道君歸反我先歸期慙愧說年年儒生豈解趨承急冷宦原知去就便明月二分留客夢春風十載悵離筵獨憐白髮衰親在菽水難懽一惘然

校定家集各書一詩於其後

四十方爲嶺外丞

集中

艱難一第恨偏增愛留潮惠人爭

說詩近韓蘇世早稱壯歲聲名悲藉藉暮年門祚感菀菀
可憐頭白諸孫在一讀遺編一撫膺從曾祖退菴先生集林詩鈔

游俠空傳太史公一時朱郭漫稱雄結交四海豪虛負薄
宦三山遇益窮投老終乖陽羨願論詩早見濟南風竭來

清響樓頭望悽絕重尋六尺桐從祖愛筠先生清響樓詩稿

嵩雲濟水雨漫漫卅載羈棲淚未乾幕府才空稱阮瑀重
泉名并負方干苦吟不廢生何補歸骨無期死更難留得

一編成底用可憐直作子孫看從父寶研先生東游草

貧到無求亦可思并於詩亦不求知性情自寫忘工拙格
律誰誇任點啞寄傲獨尋山水外長吟人想雨風時一編

重與挑燈讀始信臣家叔不癡族叔介菴先生蠹餘吟

意苕山館詩稿 卷十一

寄筠門弟

薄祿不救飢枉自天涯滯親族念故鄉存歿已半異幸茲
報滿歸得問諸昆弟雖尙三五人年齒不相比惟君自幼
齡同學頗能記淹忽曾幾時相看各驚悻白雪紛盈頭精
力歎久敝我家本素貧食腸慣能細自恥非分求非必世
同棄知君長杜門青草塞庭際此猶古人風末俗安得翼
我雖博升斗僅獲一椽庇歸期正難決望遠但隕涕耿耿
心所悲微獨一身計祠墓隔杭湖十年感缺祭近聞患水
災侵及墓旁地賴君率羣從往來費塗墜所願永此心歲
時勉同勵念自乾嘉來修葺不少替退菴與郁齋兩公實
相繼哀我兩先人夢寐亦交繫祖德今尚存我罪將焉避

凶荒歷頻年烽煙沉四裔陸行豺狼逢川遊蛟龍伺側身
欲安往性命螳蝻界終當釣竿營那戀尺組曳颯然秋風
來離愁渺誰寄相思寫無端賓鴻正南遞

哀張淵甫

又聽鄰笛過山陽故舊凋零劇可傷一代禮宗高密重千
秋詩格建安長淒涼教澤餘芹藻寂寞歸期誤稻梁惆悵
昨年江上別相望從此斷河梁

詠懷

洪鐘抱高響不叩那得聞笑彼手寸椹但以擊瓦盆豈知
廢縣下元音闕古塵鏗然偶一發驚聽空浮雲泉夔不可
見師曠亦陳人淫哇雜巷里民俗何由醇誰能揭日月一
意苔山館詩稿

卷十一

八

照長夜昏草野非無賢抱膝甘沈淪

雲陽歸舟

一帆輕送綠波平正好新秋雨乍晴兩岸秧歌聽不斷夕
陽還傍樹梢明

餘暑還愁掃未開忽聞隱動輕雷披襟自向船頭坐便
有新涼水面來

得錢伯瑜

寶琛

中丞書并詩寄答

零落交游幾舊知郵筒遠寄慰相思閒將霖雨東山意自
寫清風吉甫詞塗抹未忘貧病客艱難應念雨風時近來
百事疏慵甚慙愧新詩報已遲

簡陳與三

巢許不可作滔滔安足論飄然東海蹈大義古今存恥與
從橫客徒誇富貴恩始知秦漢上猶識布衣尊

閩河決豐北口

豐北連朝朔風急掣動長隄溜欲奪居民慟哭聲震天倒
捲黃沙黯白日專制一道彼何人清泚銅池興方發頻聞
報險怒不解將弁遭呵那敢說中宵蛟鱷翻城頭勢猛誰
能遏倉卒人民廬墓無一完闔縣生靈化魚鼈制河兩府
亟馳省奔訴呼號聽憤切飛章入告邀 皇仁撫卹金錢
內府撥時過九月種麥難民食明年欲安出江南所重漕
與河百萬修防歲豈缺糾工集料幸勿遲水退庶免生理
失漕船得渡閩閩安毋再民力東南竭

意茗山館詩稿

卷十一

九

欲雪

黑雲翳漫漫天意欲霏雪出門何所之四望心憂結相逢
有道士衷曲話切切世事幾變更天道有盈絀朱顏不久
留盛年感衰歇際茲歲云暮淒氣逼心骨忍飢得閉門布
衾奈如鐵羨彼蓑笠翁釣竿自閒拂亟望春陽回堅冰渙
活活且得川源通毋使道途絕

喜董甥

兆昌來

長途冰雪裏不道汝能來相見各悲喜此生能幾回青雲
期自致白髮恨頻催慈母煩歸告離懷且暫開

除夜

風雪連朝急驚心歲又更幾州猶患水四海未休兵感慨

餘長劍憂危獨短檠自憐青鏡裏白髮逼春生

壬子

陳梁叔計偕入都留宿贈行

貂裘已敝欲何投且喜荒齋數夕留商略尙煩千載業艱
難奚止一身憂漫天雨雪愁長夜徧地風波奈客游聞道
長安非舊日歸期莫更指深秋

點兵行紀金沙事

客從金沙來爲言點兵事兵威久不揚乃欲鄉民示鄉民
輸官糧倍額亦云至縣吏苦誅求橫征自無忌謹然官倉
閒豈便非常致胡爲遽相迫爲盜此亦易近來牧民官動
與民爭利禍亂所由開豈皆出非意頗聞粵西東轉餉正
意茗山館詩稿 卷十一 十一
難繼奈更妄稱兵那勿心憂悻此幸免揭竿造福已非細
更望賢有司民艱急同濟

悼張詠仙

經年不見君昨夜夢君至慰勞猶平生肝膽握相示雲山
隔千里豈有凌風翅醒來正驚疑忽報隆平使莅官未三
月勤事已畢世頗聞隆平民走告共涕泗抱負空悲君垂
老僅一試他時循吏傳知入君名未彷彿憫時懷縱論看
裂背青楓白楊閒悲風骨酸刺生芻遠難將歸櫬痛猶滯
夜夢忍再尋江頭更誰遲

籬下見牡丹一枝時雨初霽嫣然有可憐之色

一枝忽向雨中新籬下如何見太眞別有花香尋求得漫

嫌穠豔洗教頻洛陽風景愁非舊江左繁華惜已陳莫怪
今朝看不厭此花開後更非春

聞桂林警

無日不戰戰必克殺賊朝千夜八百胡爲賊勢愈獗猖使
我聞之動魂魄永安州城大如斗五月誰憑賊堅守開門
突出竟莫當鎮將材官死八九妖氛更報桂林屯城中火
發脂膏焚賊無所利自引去督師又見論功勳

讀孟有感

胷中無古人自待焉知厚營營利祿閒熏灼歎已久廉恥
旣寡鮮氣節欲何有子陵卧桐江徵聘謝不受東漢治道
隆相佐實此叟宋興用論語太平致反手此言豈虛僞名
意荅山館詩稿

卷十一

十一

世出非偶諒由讀書多淑身識尙友人苟有不爲誰肯比
妾婦反覆孟子篇浩然一回首

謝王研雲作先君子周官集義序

儒生務通經謂能措平治官禮出周公太平所由致莽歆
雖竄亂末學敢妄議慨然念先人日讀手不置上窮教化
源下挾法令弊方今亂天下禍莫甚胥吏往往憤所切立
說發經義援證本列史殷監實此繫異彼炫博徒搜考但
瑣細坐言起可行數奇空齋志遺書幸未失撫卷輒隕涕
當代數經師惟君默心契一序感援筆千里遠相寄敬錄
付子孫不朽當世世

輯族譜成書示族人

親親自近始遠亦焉可遺支派旣日繁情義恐或離獨賴
有譜牒得免途人譏吾家起耕讀鼎盛康雍時清名被
內匪獨鄉里知今雖漸衰歇禮義猶相維亟當述祖德以
爲子孫貽區區論著代所感亦已微

人貴能讀書非獨取科第胷中多古人自與世俗異語言
面目閒便有藹然氣教知先父兄率自謹子弟庶幾尙廉
恥毋但徇名利吾家雖清貧詩書未嘗棄澆漓久成風漸
染或忘做所願各兢兢祖澤守勿替

風詩采雞鳴士女皆稱賢諒由儉勤俗必自門內先婦女
不讀書所見多近徧私意各自蓄積嫌起豆蓬誼或昆弟
薄禮並長者愆教之貴由豫勿謂此藐藐吾家多賢母令
意菖山館詩稿卷十一

三

德宜同宣世世苟相繼足以慰重泉

吾家先人墓迢迢隔吳興祭掃我久缺魂夢時暗驚念彼
若敖鬼道遠何所憑尙謂歲時際不廢嘗與烝自顧得毋
愧怨恫知日增昔賢誓墓意豈勝勝繞樹情先訓述往復此
恨時填膺明年定一權菖水浮冷泠

河復決

黃河之水西域來東行入海經大伾自奪汴濟日南徙橫
決時爲居民災百餘年來險屢薄畚築旋看隄成圍奈何
客秋潰豐北臘盡不得狂瀾回經春歷夏復百日運料堆
垛千夫催合龍指顧忽風雨塞口衝突驚重開桃花新漲
正瀾漫盛夏勢愈喧騰雷治河使者少長策金錢百萬成

飛埃中朝何人主海運遇此奏上誰能違漕船水手近十
萬失業剽掠官何爲堪更災黎徧遠近安集靡所吁其危
敢告當事亟儲費興工母再幾宜乖不然改道順水性禹
蹟歷歷可尋追北河水利更修復轉輸畿甸無盈虧河工
歲可萬緡省官侵吏蝕民空哀職方九州試稽考宜稻豈
獨東南推

姚杏士

燕穀

剪蘭相贈

招隱誰歌漁父詞西風楚畹最堪思煩君翦取秋香贈奈
此傷離怨別時

喜雨

驕陽虐當晝田禾欲盡槁非獨畏暑偏望雨怒心擣四海
意君山館詩稿

卷十一

三

方苦兵民食堪不飽彼蒼幸垂哀飄然轉雲旒雷聲漸隆
隆檐溜急如倒絺綌不御風牀榻埃頓埽枯苗有生意鄉
農慰默禱我雖半畝無欣欣亦懷抱願更霑澤施萬里沐
鴻浩劍戟鑄農器老死各相保

程曉楓惠新芡

兀坐無聊動客愁陂塘雨過正新秋憑誰細語鄉園味菱
芡朝來滿擔頭

此味拌將夢裏嘗何緣相贈感盈筐明年歸計眞能穩飽
食思君定不忘

贈別姚杏士

蓬生亂麻中亭亭自不恤風雨忽摧之欲使寸寸折諒節

今誰誇柔姿世爭悅昂頭望天外黃埃蔽白日非無盤空
雕燕雀肯相匹翻然颺晨風滿眼動蕭瑟區區彼雞蟲焉
事爭得失君方筮獨行我亦占夫決蒹葭秋水閒釣竿願
同結

詠露

秋氣潛深露欲微空山草木自知幾膏會同被功原溥天
本無私候漸非捲幔但愁風獵獵溼衣兼恐雨霏霏金盤
盛得知多少徧灑人間願已違

秋興

新霜一夜下重霄催動人間萬木凋亭館淒涼非舊日雨
風蕭瑟更連朝蛩聲繞砌宵砧急雁影橫空客路遙幾度
意茗山館詩稿

卷十一

四

故園回首望十年蹤迹滯金焦

曾經烽火照城頭蘆荻橫江尙帶愁挾彈探丸何處少調
兵徵餉幾時休天山六月常飛雪滄海千秋自橫流北極
浮雲遮莽莽不堪重與指高樓

狂飆動地怒蛟龍又報金隄失萬重徧野哀鴻愁集木極
天飛鳥避傳烽但教領郡皆劉寵何事籌邊想耿恭太息
時艱誰共論兵荒頻遇鎮冲冲

天塹長江自古今六朝舊迹感重尋龍碑古寺何人護鸞
輅空山幾度臨草木百年餘氣象風塵四海託歌吟劇憐
病骨支離甚不獨秋來愴客心

聞賊連陷邳永復據道州憂而成此

驚傳陷柳永賊勢愈蔓延道州最貧苦亦不蒙賊憐督師
駐何所持重不敢前州民被淫掠慘毒知難言賊來爭赴
死賊去豈自全諒無元刺史哀痛傳詩篇勦撫兩無策念
此空涕漣我朝正全盛非比天寶年世豈少李郭威望傳
諸邊爵賞況不惜感激宜爭先削平望朝夕耕鑿安堯天

種菊

自向籬邊種幾枝開遲拌待晚秋時冷香傲骨誰能賞
憔悴西風祇自知

寂寞疏籬性自安底須密密護雕闌只愁誤入朱門裏
桃李紛紛一樣看

落英哀露藥囊馨曾入神農本草經莫道但供騷客玩此

意茗山館詩稿

卷十一

五

花能與世延齡

獵獵西風撲面來就荒三徑滿蒿萊當時羨殺陶彭澤歸
去從容手徧栽

浮生

浮生歷歷誤風塵自信逢人祇一真多病可能工入世不
歸何敢諱言貧感時有淚虛前日沒世無稱負此身容得
荒村廬共結往來還欲問朱陳

丹徒訓導程爾亨治官廨於壽邱山麓得片輒上一

宮字儼然可識下二字則隱隱若壽邱此山本季

奴故宮當是劉宋所遺甄古可愛琢以爲研并拓

本裝治徵詩作此貽之

壽邱山頭落片甌風雨剝蝕體不完上一宮字儼可識疑
是劉宋所流傳劉宋築宮枕山麓何年廢作丹徒學程君
治廡喜得之剔薛摩挲看不足慨然銅雀思高臺臺傾碧
瓦埋蒿萊千餘年來製作研珍愛不數端谿材此甌治研
亦良好羨君得此眞堪寶裝成著墨潤且温濡翰淋漓寫
懷抱吁嗟王氣當時收斯甌何幸今還留長江天塹那可
恃千秋興廢應同愁

書彭躬菴遺集後

有明三百年享國比唐宋徒爲虛僞人一朝竟斷送

集中語

躬菴一諸生於世未嘗用迺爲此憤憤持論輒感慟始知
讀書多所抱自殊衆廉恥苟淪喪名節焉知重上下利交
意茗山館詩稿卷十一
征孟語實堪痛今古豈有殊乾坤自瀕洞安得百躬菴喚
醒此夢夢遺集幸未湮慷慨夜深誦

慰友

漫游意豈適役徒風塵矧茲時序改可悅非陽春念彼
邱中士夙抱空今人邂逅未一遇寂處甘沈淪譬若梁棟
材失時摧爲薪何如老空谷自得全其眞古來不朽業豈
不在一身操履苟無失顯晦安足論請看江海閒風浪驚
翻頻願君礪堅節共此冰雪辰

陳書巖

之瑩

曾參裕節愍軍於四明追繪從戎圖以

紀事索詩

寶刀脫鞘腰閒橫知兵何必非書生君况韜略授昭勇

謂楊

公遇 春 請纓投筆原生平憶昔烽煙起南海督師當代稱豪

英誰參軍事比陳阮得君氣槩千人傾飛書草檄日旁午
感激誓欲驅鯢鯨奈何海潮夜深長險失招寶輪船乘普
陀三鎮一朝歿援絕鼓死空堅城指麾巷戰月昏黑淋漓
血濺衣猶腥三軍解散督師殉喪歸千里銜哀聲君雖護
持自終始怒氣未息長撫膺彼哉醜夷那足道曷爲所向
鋒難嬰可憐長江竟深入殺氣直使金焦騰我時奉檄募
洲勇短衣出沒風濤輕腐儒懷抱敢君述惟此患難嗟同
經相逢把臂話涕泗十年幾度須眉更君今琴堂播雅化
耳畔無復鳴金鉦雄心未已髀時撫追思往事徒沾纓繪
圖示我感更感坐望四海長澄清

意茗山館詩稿

卷十一

七

程曉楓出示其師朱笠仙印譜徵詩余不識朱而重

曉楓之篤於師誼也樂爲題此

蒼聖造字去今久降而篆刻溯授受冥心師古識幾人一
藝能傳定非偶程君爲我言其師書法兢兢奉顏柳餘事
工此亦絕倫鐵畫銀鈎世何有恨年未永知者希印譜搜
羅賴君守攜來示我屬題句鄭重遺函比瓊玖嗚呼世風
日以衰反覆交情那知厚如君用意真古人把玩終宵忍
釋手我於此事心雖盲感激因君念取友朱生朱生獨何
幸名氏千秋乃不朽

得都中友人書卻寄

無聊還作薊門留驚喜開函涕泗流讀史忽深興廢感放

歌難寫古今愁浮雲莽莽連長道落日荒荒下戍樓豈獨
相思忘未得要憑心事證千秋

久旱望雪

東海癡龍鞭不起百日不雨井見底紛紛爭汲連泥沙城
中居民乾欲死前年淫潦過九月愁苦低田猶積水可堪
旱魃復今年肆虐無端乃若此舉頭烽火況楚南告警倉
皇正邊鄙道途標掠日夜聞動色相看戒行李閩閩所恃
惟年豐忍使災荒告無已傳聞擔水需百錢耿耿心憂倍
鄉里安得瓊英霏滿空千里浮埃盡一洗勺水入口勝天
漿起視彼蒼淚瀾瀾

擬杜諸將

意若山館詩稿

卷十一

六

滄溟一自息鯨鯢烽火連驚照粵西推轂屢煩吏將帥盜
兵誰復閱蒼黎關山峻險勞戎馬郡國誅求動鼓鼙朝議
若還窮禍始未愁莽莽陣雲迷

憤切同仇定幾人捷書屢布尙風塵軍資團勇招徠雜路
滿逃兵劫掠頻賊退論功多健將城空議卹少遣民無端
便欲珠崖棄深算奇謀是老臣

上相專征位望隆伏波銅柱想元功裹糧坐待全師老堅
壁偏誇百戰雄楨幹芻蕘儲欲竭蟲沙猿鶴化愁同臨危
獨有全州守援絕登陴恨未窮

一州斗大永安城陷賊何堪雨雪更笳鼓寂迷臨水陣旌
麾遙隱隔山營 靈書絡繹還加勞傳箭倉皇祇共驚夜

半何人窺賊壘銜枚疾走更無聲

衡山漢水盡雄疆豈獨崎嶇桂嶺長備敵但求嚴鎖鑰縱
焚先已痛崑岡連車裝載爭戎馬繞郭淒涼卽戰場滿目
瘡痍誰共卹甲兵終望洗銀潢

王暨方孝廉以其先人亥坪司馬行狀見寄慨然題

此

富教商聖賢切切匪自今誰能任民牧各有保富心君家
先司馬念此憂偏深世風慨日薄法令窮黎黔自非振教
化何以全林林初來莅斯邑治但聞鳴琴政暇感相過異
豈忘苔岑迂遠世爭厭慷慨先投簪君看金焦間何處猶
鴉音父老想遺愛日憩甘棠陰讀君所爲狀涕淚交盈襟
意若山館詩稿卷十一

尤

相知況如我惻惻那自禁

憶邵子顯

身世原如一葉浮淒風苦雨不勝愁客船今夜知何處定
泊辛豐古渡頭

題張孝女遺像

女名婉父研孫

鴻基

吳縣諸生嘗遊閩未歸女以思親

致疾及歸旋歿女哀不已亦歿未踰月也歿後其弟廷

薰繪像求題爲成此詩

閩中之才誰最清張家有女婉其名可憐詩名人未識命
苦乃以孝女稱孝女思父病削骨孝女哭父淚成血骨銷
血枯命隨傾孝女之苦那可說孝女工畫兼善詩畫傳阿

母詩父師一門風雅盛今日孝女不死人得知我悲孝女
正無已細訴還逢孝女弟繪像求題慰阿母往事重論自
隕涕性情如此豈不真孝女身死名長存令我濡毫意惻
愴世風澆薄思同敦

意菴山館詩稿

卷十一

三

意菖山館詩稿卷十二

元和陸 嵩希孫著 男懋修九芝校

癸丑

元日紀事

警報俄傳失武昌曉鐘未動夜無光朝同他日人何處愁
入新年我亦忘烽火連江驚照耀車聲繞郭聽郎當紛紛
遷徙空門巷誰更泥金字貼黃

黃序村示諸父老

寇氛日以逼奔告羣相驚長江縱稱險城守無餘兵團勇
議孔亟應募人紛爭彼非盡土著各有家室營獷悍儻衆
恃禍亂愁先萌妄意聚此族何若彼蚩氓緬想兵農合周
意菖山館詩稿 卷十二 一
官法原精制挺起田里未嘗廢深耕自從持戟士別設郡
縣營平時任驕惰有事誰干城甚者肆淫掠慘苦隨所經
四境苟各保聞警鳴金鉦賊來不敢犯焉用兵交徵奉檄
召父老欲語先涕橫同仇願憤切毋使虛堪乘憂來鎮不
寐愧此終生纓

雨中赴寶晉洲

荒村雲樹連沙洲雨風黯慘迷江頭小車泥滑行不得十
步九折心煩憂褰裳欲渡少舟楫蛟舞鯨呿蹴波立機槍
萬丈光滿天躑躅郊原自飲泣

鳳石齋梅花盛開詩以自傷

春光依舊客無家來往沙洲祇自嗟一夜雨風聽不得朝

來還起看梅花

驚聞金陵被圍望官兵不至

潤州泝金陵不滿二百里傳聞被賊圍驚惶日數起方疑
九江閒扼要重兵徙東西兩梁山相望勢角犄大帥正
新命威望亞夫比何能任賊艘揚帆自飛駛豈知萬人雄
竟失當關恃倉皇古帝都慟哭頓衢市閔念深 九重飛
章告奚俟斧鉞早遠頒戎車應亟止奈何效賈胡逗留尙
邊鄙石頭城雖堅環攻保無圯東下苟順流蹂躪將安底
危哉此孤城固守痛誰倚

二月二十二日鎮江失守書此誌哀

朝聞鼙鼓江頭來暮看樓閣成飛灰城中居民冒鋒鏑扶
煮茗山館詩稿

卷十二

二

老攜幼奔哀哀可憐駐防二千甲流血傾刻盈衢街江中
戰艦僅六七衆寡不敵帆爭回金陵陷賊未半月何遽鐵
甕城連摧武昌重兵數十萬奔竄誰令疏重圍聯檣東駛
況千里扼險豈少千城材奈何江南賦財地輕棄直欲同
荒陲陶侃那聞石頭次房瑄得免陳濤悲 廟堂宵旰念
方亟斯民水火拯知誰金山北固盛千古傷心竟作阿房
災腐儒痛哭亦何益紫氣終望回三台

訪劉雲卿

通

消息不得逢其令弟劉六

一別干戈裏傷心已暮春相逢惟令弟苦語說衰親涕泣
書難達驚疑夢豈真亂離知未已消息問何人

見燕

愁見春歸楊柳梢，綠陰門巷冒蟪蝻傷心輸與田家燕。猶得銜泥補舊巢。

村寓雜感

一自妖氛逼漢陽，江東十郡盡倉皇。儲胥紛護愁郊野，將帥頻更警廟堂。戈戟萬層連幕轉，旌旗千里蔽江長。如何竟棄盧龍塞，猶道知兵是陸郎。

何堪回首武昌城，烽火遙傳日數驚。北固樓臺橫殺氣，南

徐草木走風聲。郵亭經月閒馳騎，

九江於正月山谷連疆中已斷文報

撤戍兵愁絕長江，那可倚不教飛渡一帆輕。

郡邑江南盡戒嚴，日光黯淡雨廉纖。流離遷徙鄉村負，戴提攜婦稚兼。官吏無權容劫掠，途多警費逃潛王師。

意若山館詩稿

卷十二

三

十萬屯何處，望斷雲霓歲月淹。

雨雪連朝霽乍開，臨江使節自西來。弓刀路夾喧潮勇，柳鎖牢空釋盜魁。城郭徧巡看糾健，閭閻驚告共疑猜。行營幾度遷無定，自衛何嘗竟少才。

都護威聲問孰同，自言西域有殊功。高居帷幄兵愁少，坐擁貔貅餉慮空。決策但憑房琯客，磨軍那慕謝安風。固山牛彘今何在，始恨臨危誤乃公。

郡齋闕寂柝聲高，旁午軍書少捉刀。籌畫芻糧紳富雜編排，保甲士民勞江防。宜亟翻移礮城守，誰謀但掘濠短簿髣參空。幕府相看無計首，頻搔。

借箸頻煩桑孔心，憂時還讓謫仙深。

謂李兩

人學士地當衝要姦

難詰邑有豪華力易任幾費捐輸空寸紙各私保衛惜千金庸知一夕家仍毀紅燄蚨飛恨不禁

虎踞龍蟠舊帝都崔巍雉堞想雄圖重臣分鎮防原早勁旅聯屯勢豈孤誰道帆檣馳絡繹頓教雲樹失模糊一時白骨堆狼藉痛哭圍城十日無

鍾山烽火乍驚傳鐵甕孤城望裏縣出塞班超虛驛騎橫江王濬少樓船連營鼙鼓朝方急一炬亭臺夜盡然曾是舊時征戰地可憐流血尙盈川

潤州帶水接揚州相望嚴城兩夕休殺氣萬重騰日暗哭聲一路震天愁呼號莫效張巡守矍鑠徒貽馬援羞從此竹西歌舞地夜深燐火照邗溝

意茗山館詩稿

卷十二

四

殘慘傳來實可驚殺人如草更無聲執兵忍使兒童戲魔礮悲教婦女迎尸積如山供啄雀血流成海任吞鯨邱墟城郭知同盡莫訝長平一夕坑

蚩蚩奔走欲如何世變悲深涕泗沱誰識安居蒙豢養妄思賄賊息干戈壺漿竟作王師勞耕鑿偏忘帝力歌寂寞揚雄同一歎相看豈獨亂民多

烈燄相望日夜騰青山何處更嶙嶒捫將勝蹟千秋盡賸有江流萬古仍地軸怒搖川谷動雷車驚走雨風乘

三月初地

連大震旋劫灰莫更昆明問西域如今少異僧

大雷雨

推原禍始豈無由諱盜成風久共尤構獄況堪胥吏急冒功直欲士民仇采薪蒸粟三年苦枕戟眠戈四海愁一水

涓涓看不絕滔天已是滿洪流

洪逆之起由冒功構獄者激成間番禺梁孝廉云

朝議何曾薄賞功

國恩能報幾人同巴圖魯號頒驚屢

遏必隆刀佩得終舊將更聞徵里第故侯又見起關中倒

縣此日憑誰解一任遷延恨莫窮

礮利船堅舊共知江頭重見火輪馳豈因戰伐勞諸將故

遣蠻夷隸水師破浪不憂蛟沒險轉帆應訝鳥飛遲只愁

後日驕難制回紇前朝事可思

艇勇何人募海中居然赴義自稱雄高桅蔽日連江黑巨

礮轟雷入夜紅破賊但憑金寶奪還軍肯羨爵官隆東南

後患知何已終望 王師早策功

諸將方誇百戰勳寇來還避向家軍誓師慷慨心原壯握

意荅山館詩稿

卷十二

五

節倉皇勢豈分鎖鑰忽驚三郡失舳艫先報九江焚專征

恩重應無負亟爲驅除答 聖君

旌麾忽報馬陵屯位望雲臺鄧禹尊道路漫傳軍令肅川

原應見賊塵奔兼旬坐鎮師愁老四野生悲淚暗吞毒霧

漫天消未得幾時一戰靖花門

潦倒吳門一腐儒青氈坐敝自知愚無才敢望艱虞濟垂

死何堪喪亂俱遯野申胥誰共哭登城倉葛願同呼此情

獨有楊修識慘觀紅旗落日餘

時與楊子城子安謀募義民助官軍攻城事

示楊子城

彭齡

茂才子子安

履泰

孝廉

江頭遭殺戮尸積水不流官軍望未至慘慘心獨憂豈無

忠義士憤切知同仇偉哉二楊子遯迹來荒陬相逢各慟

哭血淚看盈眸 聖恩被草野深厚逾千秋彼雖少知識
耕鑿安何由奮袖一呼喻感激生鉏耰誰言世非古竟少
田橫傳義旗快同舉浩氣凌斗牛羣醜庶盡殄餘孽毋教
留凱歌願早聽過此重優游

借楊子安至諫壁宿常樂寺

驅車遙望處火未息連城殘慘心同憤流離夢各驚世衰
輕赴義身老敢論兵此夜招提宿相看淚滿纓

西南門行

西南門外兩日火夜半光騰到卓午自從賊船來江頭北
固金山盡焦土雕牆峻宇且勿論傷心蒿目尤蓬門幸免
殺戮竄荒谷餘生知幾聲酸吞遠望官軍一水隔旌旗不
意蒼山館詩稿

卷十二

六

動哀何人

哀駐防

君不見京口駐防蒙古營府開都護輝旗旌長江天險賴
保障訓練豈必忘承平寇來倉卒勢莫扞烈火光中自驚
竄血膏賊斧知何由搜殺還教徧里閭殘軍收集集繆甸屯
誓欲滅此憤各伸昨朝遇賊北門外揮刀奮殺肯顧身強
兵坐擁欲誰咎死者何堪更八九早知殺賊本不難悔不
孤城共死守吁嗟乎到處孤城肯死守哭聲何得來京口

輪船行

高桅聯屬來江濱黑煙萬縷衝青雲巧製機括自旋轉風
同火激扶金輪十年前曾此停泊竊弄兵革災生民今豈

中華居已久漸染風化知尊親蠻夷效順 聖德遠犬豕
敢肆鯨鯢吞中流遇賊一轟擊遠近觀者皆精神奈何屯
泊但遠港一步未過金焦門往時勇健藐諸將今何畏憊
同官軍大營經月令不發顯愚那得知其因兵貴神速豈
虛語亟望指顧清風塵

懷陳與三

聞道沙洲住遭兵又屢遷烽煙仍郭外消息斷江邊世自
輕毛遂人誰識魯連定知悲憫意說著涕漣漣

趙生行

生名玉芳丹徒縣人城陷踰二十日官軍始來來則觀
望不戰生憤名洲民之素習武事者五百人介余投太
意茗山館詩稿 卷十二 七

守豫

立

所願首攻城以死自效太守許其請已而悔之

生與五百人俱哭而歸爲作詩以紀其事

嗟哉趙生爾何哀拔劍哭向江頭來眼看殺戮徧郊野骸
骨堆塞無人埋官兵十萬駐城下兩月未見戈交揮水深
火熱痛誰救報國豈竟空奇才知爾忠憤積難遏殺賊誓
欲摩重圍高牙大纛自閒暇獻策那得軍門開短衣徒步
少人識遇我涕泗紛曾懷黃雲莽莽慘慘行路白日黯黯愁
飛埃拂衣歸去色沮喪狂歌休上摩雲臺古來志士豈獨
爾姓名幾見千秋垂田橫之壘望何處傷心東海滄溟同

喜聞六合縣事

三城未復賊紛竄揚帆徑抵六合縣六合縣城陋且卑兵

不待交定先亂豈知縣有溫大夫與民一心民不換賊來
躍馬聲大呼衆集糧鉏助攻戰奮勇不避曳落河橫刀肯
識哥舒翰區區螳賊安足論流血已見滿江岸高桅大筏
一炬焚殺氣直上衝霄漢三年以來無此敗賊中賊膽欲
落賊魂斷所遇盡如六合溫從此南人不敢叛重兵坐擁
彼應慙何日憂懷釋宵旰

午日

眼看令節淚模糊角黍堆盤事有無惆悵綵囊誰更製全
家祇佩避兵符

榴花紅向劫灰餘競渡遺風說已虛多少冤魂江上泣底
須重與弔三閭

意苕山館詩稿

卷十二

八

贈曹少秋

坦茂才

相逢何暇訴離情把臂先看涕淚傾失路已知悲阮籍陳
書還欲望陽城憂來不斷心事憤到難平夢自驚試問
逍遙河上客幾時殺賊肯揮兵

自黃序移寓諫壁

憶此移家暫避兵往來雨雪自心驚可堪桃李花開盡又
聽村村打麥聲

茫茫何處有安居燕幕風來欲墮餘始信橫流滄海日此
身只合託牛車

書生家具本無多薄笨聊驅八口過若使移家圖更寫可
能傳出涕滂沱

寄懷程曉楓

戰鼓聲中送爾行登車揮手此餘生
劇憐烽火艱傳驛差幸鄉關未被兵
流涕卻看妻子在相思時覺夢魂驚
孤城收復知何日終望君來一請纓

次韻酬楊子城

感慨遽廬風雨中誦詩愁欲廢
車攻怕將冷眼觀時局幸與知心話
素衷絲染縱能分黑白烏飛誰得辨
雌雄何當招隱君同賦一問縣瓢荷
鍾風

京口從軍曲

東風何處繫班騅辛苦從軍且漫悲
省識江南好風景泥人一路綠楊垂

意菴山館詩稿

卷十二

九

旌旗十里自飛揚指點金焦隔岸望
落日江頭閒牧馬英雄誰與話蘄王

嚴肅誰誇細柳營威名人早說專征
寶刀肯殺尋常賊盡日橫腰不一鳴

宵深刁斗寂無聞閒殺江頭片片雲
一笑何人能破賊傾城應待美人軍

剪刀新罷七張機稱體裁縫鐵甲非
一語故園應早寄西風休更擣征衣

迢迢桑梓共湘衡遙望長江一道橫
憑軾請觀原是戲何妨杯酒話鄉情

寄姚杏士松江

城空無人人盡鄉三月不見天日光眼前百事不置意獨
有故人心難忘故人相隔渺何處一水遠望蘇臺長自從
前年別我去寇警已是聞衡陽太息招隱願未遂鼓鼙聲
遽騰倉皇石頭堅城陷一夕金焦雖險何能障橫尸流血
徧遠近哭聲震路愁蒼蒼蘇臺是我故鄉里聲聞擊柝應
嚴防君無寸權那可說遷徙得免心旁皇三泖湖波深且
闊其中亦慮蛟螭藏近得君書說好在低同世事徒激昂
我雖賊烽幸此避火炎日夜憂崑岡官軍未聞殺一賊經
歷春夏虛糜糧便思糴鉏奮田里赤手焉得驅豺狼孤城
賊據亦無賴漸聞江上帆分揚彼但剽掠豈有定肆凶深
恐移蘇常昨傳西去犯滁泗東海或免狂瀾殃長歌當哭
意茗山館詩稿

卷十二

十

爲君告仰視白日悲茫茫

贈劉伯純

炳勳

茂才

攬裾雖恨十年遲猶得相逢患難時詩自能工偏我好才
因未遇少人知嵇生幽憤書空著阮籍窮途酒不辭早帽
便教歸竟得此情他日總堪思

長松行

長松作勢高插天廡庇遠踰二百年童童車蓋昔何盛鸞
鳳栖息常其顛豈意霜雪厯今日蒼翠忽若有變遷斧斤
外斲蝨內蝕幹枯根撥何由全吁嗟乎幹枯根撥得自全
我來偃仰涕泗漣

感事寫憂得五百字比於阮籍詠懷子昂感遇莫見

者有以哀其志焉爾

哀哀鎮江城陷賊逾三月城中慘殺戮十已不存一存者
爲炊爨生死那可必日夜望官軍便與水火出遙遙見旌
旗延岡樹崇密軍令聞頗嚴輕敵戒馳突奈何西北門剽
掠任偷狻婦女多哭聲聞閭少完室兵賊漸不分欲語先
搗舌有客邗上來遇我意勃發勸我且勿悲一言試聽述
主將本故侯威名久撻伐去年滇中番掃除迅斧鉞英夷
昔稱強輸心比回鶻蠹賊此區區一鼓豈難滅持重不一
戰深謀肯輕洩蚩氓焉得知慟哭望誰活 皇朝盛武功
開拓邁前烈柱標珠崖顛馬飲長城窟褒鄂皆凌煙杜房
盡密勿百年致太平四方自無拂 聖德今豈忘報國少
意若山館詩稿 卷十二

十一

豪傑偉哉張嘯虎挺起自蓬華非有 朝命隆乃獨同仇
切憤憤此堅城久據縱羣孽奮勇竟先登呼聲動倉卒大
兵苟相繼盡殲定倏忽巷戰接短兵流血染白骨滿地仍
豺狼此恨那可說客言聽未終我腸斷嗚咽覽古忽興慨
治亂每同轍安史陷兩京乘輿致遷越禍始識楊釗中外
恣交結儻先兩觀誅姦謀燭早遏雖無郭與李神器敢窺
竊不然敦峻徒跋扈少臣節立朝非羣賢何以靖宮闕壤
壤但黃巾勦撫况多術厭亂終天心民命未應絕羣公且
莫憂金甌正無缺自我居黃序私衷日如憒茫茫滄海流
慘慘虞淵日厠身天地間真若韃中蝨妄欲尺寸槎往濟
風濤闊虛聞鼙鼓聲動忘涕橫溢感彼耨鋤侶制梃起相

率徑思縣布乘更欲螫弧奪忠義自草野權勢謝朱紱養
寇知何心 恩勞尙綸綍天閭儻可通排雲叫何恤

陳與三自連城洲來卽送之吳門兼懷邵子顯

近聞江上多哭聲剽掠不辨賊與兵相戒不敢近北郭郭
外時見尸從橫君從何處一帆挂渡江得勿金焦經上有
老母下妻子奈何性命鴻毛輕看君豪氣尙如昔縱談世
事心難平公超毒霧豈難散張角斗米知何成眼看城市
踞豺虎誰與江海驅鯢鯨便思自拔要離劍徑起盡掃旄
頭星朝廷故事君豈識奇勳要必由公卿吾儕身賤安足
道平生肝膽將誰傾不如張口但飲酒焉用衆醉我獨醒
飄然辭我竟東去計日應到金昌亭我歸未能起歎息夢
意蒼山館詩稿 卷十二 十一

魂定許隨君行婁江若更邵平遇爲道蹤迹今飄零

壯士歌爲鍾孝廉淮作

江濤夜涌風怒號壯士起看腰間刀翻身殺入賊營裏輕
若俊鶻穿雲霄呼聲動天天驚裂壯士力竭氣不竭血流
被體刀尙揮馬革早拌裹白骨瓜州一水控鎮揚勢據南
北通津梁奈何要害任賊守使我壯士心悲傷嗚呼壯士
知誰是孝廉名淮鍾氏子斷頭將軍今不聞一死獨爾光
青史

次韻酬劉伯純

鬢絲休惜鏡中摧意氣如君亦壯哉卻話艱虞成獨感能
談忠義卽奇才幾時毒霧南方散回首浮雲北極開鷹隼

高秋應共擊搏風羽翼願先培

江南三城不復賊又陷廬鳳犯歸德

廬鳳遽殘破商墟復馳突賊勢彌中原浩蕩欲難遏虎狼所經過不知幾城闕豈獨江南郡羣盜尙蟠結衛霍彼何爲優游自歲月宵旰憂空深轉輸歎欲竭莽莽黃河邊風沙捲白日哭聲動天地哀哀少人恤慎勿望官軍官軍不可說但能奮糧鉏焉慮賊不滅

思歸示諸賢

我本浪游客便習車輿舟冰雪鍊筋骨辛苦忘白頭避亂此聊適幸遇諸賢游清風扇几席皓月臨衣鈎偃仰得自如於我知何求忽焉動鄉思道里原非修雖少釣游侶豈意蒼山館詩稿卷十二
三
無冠童傳烽火況未息薪木能無憂恐此朱陳村終亦難久留必若詩興發且爲王子猷

紀六月十三日兵變事

王師浩如雨盪寇來朱方借問主將誰云是鄧紹良起家自微弁三載經戎行厯官至提督寵命逾尋常國恩定無負盡賊人爭望奈何積三月不一窺城隍淫掠縱麾下豈獨虛糜糧遇賊輒投戈交口呼同鄉杯酒話城下賄賂驚相將謗言起遐邇民怨知難防營中卒火發先賊趨丹陽幸逢鄉兵截勢得安倉皇久聞金焦聞來往空舸艍西去犯廬鳳留者難稱強不然傾城出其鋒誰能當可憐視犬豕猶若同豺狼調兵更省會絡繹虛聲張何當棄師

罪據實騰封章倒縣解何日得問彼蒼蒼老夫憤空切涕
淚沾衣裳

瓜州歎

潤州六月尙賊據揚州亦未罷官戍江南江北通片帆來
往公然任朝暮寇援宜絕豈不聞誰握兵權儻早悟便應
先揮江上軍直取瓜州斷賊路奈何楚漢比畫疆不敢鴻
溝過一步君不見淩煙圖畫古所爭裹尸馬革心知輕
狝坐擁識何意豈真不愛千秋名

避兵蔣村

纔得驚魂走全家又避兵繞朝空有恨高克總何情茅屋
三椽破荒村一徑深終當轉溝壑何以了平生

意菖山館詩稿 卷十二

古

雩山

開門見雩山叢樹連青雲佳氣尙蔥鬱深護高皇墳王業
想當日崛起田間真運承晉衰祚逐鹿爭紛紛水火救獨
亟撻伐垂功勳英名著千載赫濯應猶神紅頭看蠢爾那
比盧與孫崇朝豈難剪延禍連江濱胡弗顯靈爽一拯彼
黎民豈獨皇故鄉蒙佑常無湮蒼蒼識何意定數誰具陳
深宵自仰望滿眼愁風塵

貽鄰寓周海琴

憂憤知誰識相逢幸有君罪言思杜牧對策想劉蕡身在
家何恤名狂世豈分隔牆鄰暫結莫厭往來動

與海琴夜話因感往事寄楊子城

百戰徒論口擊功書生何必不能戎莫疑處變詞多激自
切同仇恨未窮落日已虛旌旆影驚濤還雜鼓鼙風因君
慷慨深宵話識得楊修涕淚同

寄家太平洲感賦

欲同天地知何日便擬將身入釣舟北極樓臺終莫忘故
鄉雲樹尙堪愁驚心草木翻風急冷眼魚龍跋浪遊省識
安危非我寄全家且與大江浮

洲寓自遣

帆卸江頭路曲斜車聲軋軋趁歸鴉綠陰深處三閒屋指
點前村鄭老家

傷心歲月暗中更乍得風塵此暫清夜半隔牆聞犬吠披
意蒼山館詩稿

卷十二

五

衣還覺夢魂驚

轉徙頻煩祇自憐暫居也要主人賢喜聞一語兒童說耕
鑿全家近百年

門對池流映碧漪萬竿修竹更猗猗不知暑氣消何處時
有清風過短籬

西風昨夜送微涼綠橘垂垂未放香說是今年潮水小幾
家早稻已全黃

終歲何曾一入城田園風景足忘情養魚種竹渾無事飽
飯安眠過此生

數家煙火不成村鎮日無人自閉門最好雞時豚柵畔紡
車軋軋送黃昏

寂寂柴門夜不關
小橋流水抱彎環
兵戈一任閒人說
何必桃源不世間

悲鄉民爲陳明皆作兼懷二楊子

王師數十萬不能勦
一賊助威望鄉民彼豈習鋒鏑
大義姑相喻同仇幸能識
二楊尙士流一陳本力穡
奔走兩月餘慷慨棄耕殖
鳴鑼聚岡陵載旆耀阡陌
賊聞膽驚落迹稍斂凶
逆淫掠乃官軍強暴縱
朝夕反若與民仇賊勢愈
充斥耕鑿幸久安出入念
帝力散歸豈本心毋乃有
逼迫近聞府縣官徵募奉
軍檄不吝爵賞殷兼欲盜
賊激罔顧國體傷邗更後
患測傳聞六合民賊船快
沈擊何嘗建奇功不在彼
草澤且莫感時淚暗向深
宵滴作詩自激昂耿

意茗山館詩稿

卷十二

七

耿望北極

得汪衡甫

本銓

方伯趙伯厚

振祚

宮贊書感賦

潤州烽火日夜驚
蘇臺相望不數程
但倚毘陵作保障
一若唐代睢陽城
二公死守效巡遠
帳下恨少熊羆兵
書來分策上中下
守不如戰何其明知
余洲勇募前日欲令
操艇金焦橫往來江
面斷賊路奮擊何慮
城難傾水師總統素
所識試往一謁當推
誠蘇常唇齒豈不念
持書什讀心忤忤所
嗟愚妄不自量獻策
徑過丹徒營森嚴軍
令邗可曉一戰屢戒
師徒輕公雖慷慨誓
滅賊焉保要約仍平
生仰天歎息少李郭
捷書誰報收西京

橫聞舟感

一帆徑向越河卸慣聽礮聲心不怕江濤靜處聯臆幢高
指紅旗夕陽下軍中號令祕得聞張燈開宴疑崑崙底須
更獻孫吳策儼欲自勒燕然勳宵來轉柁泊何處豈是潛
師渡北固城頭殺氣看依然惆悵江干獨延佇

河莊水涸舟不能進易小車渡江

朝發毘陵驛暮至河莊城舍舟復登陸軘軘聽車聲車夫
頗曉事與我語且行問我從何來得無自軍營軍營諒近
賊出入能無驚或言賊雖暴非如虎難嬰鄉民不知識相
約鑼爭鳴犁鋤奮迎擊遇之無一生官兵況數萬豈不如
蚩氓礮響震日夜何以城不傾我聞欲何答語爾爾豈明
去去勿復道有淚空霑纓

意苕山館詩稿

卷十二

七

懷邵子顯

遭亂思故人有懷在婁水恨無雙飛翼往從阻葭葦傳聞
姦宄乘亦復兵戎被翦除幸崇朝激變欲誰罪道路雖共
驚薪木諒無毀傷心望金焦野哭多新鬼可堪骨未收揚
塵更東海茫茫天地間側身問何待夷門俗已非燕市客
誰在大江日夜流東望淚徒灑

懷程序伯

消息傳來豈未真東南何處不風塵已聞滬瀆蛟龍入又
見矚城虎豹鄰盡室遷流憐我在幾時慰勞得君親生逢
患難應同恤知否天涯有故人

哭程曉楓

生別已知苦死別那勿悲況同處憂患生死堪更歧念君
與我識形影恆不離金焦北固閒三載手共攜覽古動感
喟卽事增歎歎偕隱願未遂禍亂悲忽罹奔走徧郊野奮
激思窮黎雨風冒筋骨鼙鼓悽心脾故里暫歸問辭我情
依依臨歧一揮淚白日愁昏迷秋風起八月鷹隼方高飛
紛紛豈百鳥驚避爭樊籬音書望欲斷魂夢空交馳徑起
一帆挂就君胥江湄心驚白頭烏何事向我哢到門不敢
入哭聲隱柴扉鄉鄰爲我告閭語我尙疑君竟先我死死
豈君自祈生雖憤不樂死得權獨知恨君不我待兩日偏
我遲執手更何日再見知無時一慟那自已往事堪追思
慨然望京峴到眼仍瘡痍乘閒復竊發滬瀆交姦夷兵戈
意苕山館詩稿卷十二

六

正擾擾道路多涕洟誰能盡老壽但免溝壑擠君死已不
識我生豈有期哭君更自哭血淚隨流漸

挈家渡江風雨中達常州

洲居過九月候已如嚴冬堪此老病骨更鍊冰雪窮去去
欲何適四望心憂忡道逢估人子歸自胥江東爲言滬城
賊勢蹙已易攻雖然金焦閒殺氣騰千重蘇臺路稍遠或
免烽傳紅不如且歸去勝作無根蓬鬻飡況八口自念已
缺供聞言那勿悲涕淚交沾膺

江潮勢浩浩日夜兼天浮秋深漸以落沙淺時膠舟鎮常
各小港曲折無通流巨艇不能達小船任夷猶自從九江
陷私販爭沙洲紛紛載鹽去所過成淹留官吏尙恣意盤

詰多苛求往來共攘攘釀禍方心憂豈獨歸未能躑躅頻
江頭礮響聽不絕此患何時休

憂心雖無已歸思那自禁深感主人意導我踰重林一舟
真如葉八口差可任招之令我就送我情偏深道聞六沙
盜剽掠時江心行李慎自戒到日期好音雨風幸昨夜急
溜催寒溽相慶顧僮僕出險知從今回頭望江岸幾度勞
沈吟沽酒定明日繫纜奔牛尋

常錫道中作

推篷一路看楓林傍船忽爾聞鄉音家人相顧有喜色便
思門巷宵來尋吁嗟門巷尋雖好四望妖氛未全掃腰間
寶劍重摩挲安得光芒燭蒼昊

意菖山館詩稿

卷十二

九

展謁先祠悽然成此

缺祭心傷非一時今朝始得拜先祠若敖有後悲難免郵
子無歸痛可知拂拭但教空鼠迹掃除惟恨先蛛絲几筵
常奉知能否滿眼風塵涕淚滋

劉雲卿赴武林枉道來訪

我歸一月未見人世衰俗薄安足論朝來忽聞遠客至披
衣亟起開蓬門相看不暇問何自喜極涕淚先沾巾憶君
昨冬皖江去重兵方報淠陽屯豈意賊帆竟東下金陵揚
鎮悲同淪竹林甘露盡一炬君歸何處堪容身我時奉檄
適黃序倉皇得遇君諸昆語我二親痛轉徙思君更自傷
晨昏便擬寄書少鴻雁那得振翻隨鵬鷗今知避兵阻嶽

嶺春盡歸始尋荒村哀哀母喪未克葬養父得免天涯奔
武林學使具書幣匣劍徑赴勞風塵行蹤念我杳莫識扁
舟枉繫胥江濱相逢執手幸意外流離各訴重酸辛嗟今
交誼似雲薄況遭患難誰能親殷勤慰問逾骨肉此意感
激真無倫自古歲寒識松柏必逢峻阪知騏驎平生取友
數厯厯能共休戚應惟君錢江風浪幸未作金焦鼉鼓猶
時聞知君此去豈得已相望兩地空驚魂五陵佳氣尙蔥
鬱終賴諸將成功勳天更一雨洗兵甲舉頭萬里清浮雲
臨歧爲君作豪語好歸獻賦期明春

舟感

江頭消息問猶虛惆悵停橈落日餘欲效秦廷三日哭更
意若山館詩稿

卷十二

十一

無人與說申胥

戈矛修罷欲誰同來往栖栖恨未窮自笑書生太多事逢
人還與誦秦風

聞揚州賊棄城而去

聞道揚州賊空城已厭居重來那可必此去定非虛道路
尸猶積亭臺火尙餘不知諸將意何以報形除

胡夢花挈家南來暫此僦居

矯矯雲中鶴飄墮忽我前寥天豈空闊萬里無塵煙自我
與君別相望各一天兵戈忽滿路消息空江邊重逢雜悲
喜辛苦知難言東南數郡縣陷賊愁經年屢聞更將帥報
捷虛甘泉非無智謀士軍閤誰能延閱我面黧黑僕僕徒

行閒攜家且我就蛩巨聊同憐酒酣劍頻看高論仍驚筵
誰云賈生徒未解孫吳篇長纓儻君請我願從執鞭感慨
話無已雨雪方連縣

除夕有懷潤州諸同學

見說今年盡驚心淚欲滋兵戈猶滿眼雨雪況經時轉徙
應無定存亡豈可知能當此夜獨自酒杯持

意茗山館詩稿卷十二

三

